


UKWINGILILWA KWA UNITED STATES

 ...ubufwayo bwakwa Shikulu pa fintu fimo ukucitika inshita. Twaile ku Denver, ili line fye, nokubwela. Ndecetekela ukutila Ndefwaya ukubilisha, ukulongana: Kwali ukulongana ukusuma uko Nakwete mu myaka. Twalikwete inshita iyawamisha. Nalimo abanono amakana yabili balipele imitima yabo kuli Kristu, kunse ka balya abapokelele ulubatisho lwa Mupashi wa Mushilo, kunse ka fishibilo ifikalamba ne fipapusho ifyo umutemwikwa wesu Shikulu Yesu acitile mukati ka bantu mulya mu Denver. Twalikwete ukupongolola ukusuma, kabili ukwisa capamo ukukalamba ukwa bantu. Twatendeke na makana yasano, icakubalilapo. Kabili twali ku Mammoth Gardens. Kabili pabushiku bwalenga butatu, takwali nencende yakuti abantu bemininepo mulya mucifulo. Twalikwete inshita iyawama nganshi, iya nshiku shisano.

² Twafumine kulya, ukuya ku Canada, umulumendo na Ine. Kabili twaishileya mulya mu mpili, kabili kwaishile imfula yacipupu iya mfula yamabwe. Ndemona mwalyumfwa pali cena, pa cilimba cenu. Kabili abantu umwanda umo na makumi cinekonse konse balifwile muli cena. Kabili twalicilikilwe mufibulungwa fya mfula yabuta sana pa—pa—pa nshiku ishingi, palya pamulu wa mumpili. Kabili ukulongana kwesu kwalipitile, kabili twalikwete, natubwela ku ng'anda nomba, ilyo tatulaya nakabili. Eico twalicetekela fyonse filya fyali nalimo ku bufwayo bwakwa Lesa, ukutila cikaba u—ukulongana ukusuma, kabili icintu cimbi icashala. Ena alikwete icintu cimo ico atutantikile cintu tatwaishiba.

³ Tuleenda kwati ni mwisonde ilya fita, lelo temumfifi. Tukonka fye, ngefyo Lubuuto luleya, nomba tukonka u Lubuuto.

⁴ Kabili Shifwe uwa mu Muulu nalimo alikwete icintu cimo ico tatwaishibapo nangu cimo. Limbi kwaliko ubusanso bumo ubwali kulya. Nangu, nakabili, Ena limbi kuti alebombela pa muntu umo uwakuleta. Mwamona, Lesa kuti abomba fye pa muntu umo nga ulya; Ena alapilibula icalo conse pali ulyo muntufye umo, ukubaletamo. Kabili eico twalishiba cena cali conse kubukata bwakwa Lesa ubwawama. Kabili ifwe tule Mutasha pali cena, kabili pa kutucingilila. Kabili kwaliko abengi, ifwe...

⁵ Billy na Ine twa afwile ukubatola, mumusebo kabili nefintu ifyapala ifyo, abantu abafungaike nafyonse ifintu. Lelo

twaishilefuma ukwabula ubwafya nangu bumo. Twaishilefumaa mumusebo inshita imo, lelo cilya cali fye panshita inono. Kabili nomuntu umo pamulu palya, pancende basungilapo ing'ombe aishile tutinta ukufuma na trakta. Twaleshelela; mwali umwatelela nganshi.

⁶ Kabili cena cali icintu cimo ico bena tabakwetepo... tabaibukishe, abakale tabaleibukisha ukukwatapo imfula yacipupu ngeyo, muli cilye calo, pali ilya nshita yamwaka, ku Roundup, ku Montana. Kabili ifwe twali... Ifwe twalishiba ukutula icintu conse icawamisha nganshi nga cilya, Shikulwifwe alikwete ukuboko Kwakwe mulya pacifulo cimo. Cali pamulandu umo, ku—ku busuma bwesu. Ku busuma bwesu, filya efyo cali.

⁷ Kabili eico Nalitle Munyina Neville, lintu Nabwelele, kabili Natile, “Nkaba pa ng’anda pa Mulungu. Kabili—kabili ng kuti mwatemwa ine, ukwisa kuno kabili nalimo ukukwata isukulu lyapa Mulungu, mulandu nshi, cisuma.” Kabili Natile, “Elyo Ndi... kabili Ndi nokuba uwansansa nganshi ukwisako.”

⁸ Atile, “Mulandu shi, mucine, Munyina Bill.” Atile, “Ifwe lyonse tulaba abansansa nganshi kuli imwe ukwisa,” nomutima uukalamba uwaisuka nokusengelwa, nga filya. Elyo kabili nokubika cena pa butantiko bwakwe ubwa pamulabasa, mailo. Eico tuletasha nganshi pali fyonse ifi fintu.

⁹ Kabili muno lucelo, nomba, pakuba Ubushiku bwaba Mayo. Abantu abengi, imwe muli nokumfwa ukubila kwa Bushiku bwaba Mayo ukuli konse, kabili abantu balelanda pali ba mayo, ico Ndetontokanya caliwama. Natushe ico canshita yashalako mukulongana.

¹⁰ Muno lucelo Nacibilisha, ukutula, i—isambililo ilya *Kwingililwa Kwa United States*, ayo Nacilafwaya ukulandapo. Icili, imwe nalimo mulomfwa umulabasa wenu uwapa cilimba, kabili muli nokumfwa abengi muli bena ileelo. Kabili kukaba imbila yapa Bushiku bwaba Mayo, nalimo, muno bushiku mukulongana. Kabili eico Natontokenye ukutula, luno lucelo, Nalabilisha, “uku—ukwingililwa.”

¹¹ Nalisosele pali cena mu Denver, muno, te filya fine ukufuma munshila Ndefwaya ukucipela muno lucelo, nga Lesa asuminisha. Kabili, cena, twalikwete inshita iisuma nacena. Shikulu alipalile fye munshila iisuma. Cena caba nge nshita shimo cilatupela i... .

¹² Imwe mulingile ukutenshiwa panono fye, ukwiluka ifyo cena conse caba, bushe tatucita, inshita shimo? Kabili twapepa ukutula Lesa akacicite.

¹³ Kabili, nansambu, kumulu kulya, ilyo twapitile... Ba Shi Makwebo baku Denver ebafumishe indalama sha musonkano, kabili kwali ukutungilila ukwaibela pako Natala kwatapo kunuma uku.

14 Kabili ilingi line, bakapyunga, ilyo batungilila ukulongana, imwe mukatila. . . “Bushe mwalicibilisha?” “Ee, ku chalichi.” Ico cilifye palwa cena. Balya niba kakumba; balafwaya umukuni wabo ukwishiba palwa cena. Cilya cebo fye cisuma. Ulya mulimo wabo.

15 Lelo Ba Shi Makwebo bali abapusanako panono. Balefwaya isonde ukwishiba palwa cena, eico baposele amadola amakana yatatu nangu yane ukusabankanya pamyotoka, nenkunkula lubansa, fyonse ifyapantanshi fyapamamotoka, kabili konse. Twalikwete inshita iisuma.

16 Panuma ilyo ukulongana kwapwile, balinjitile kulubali lumo, batile, “Munyina Branham, ni cinshi ico twingakucitila nomba? Ni cinshi ico twakwatila imisha?”

17 Natile, “Mulandu nshi, mucine, nangu cimo.” Natile, “Imwe tamunkwatile imisha nangu imo.” Natile, “Imwe, mundipilile umuputule mung’anda yabeni, kuno, nga mulefwaya ukucita.”

18 “Oh, ifwe tulefwaya ukumicitila icintu cimo.” Kabili bena tekuti. . . Ine tekuti nsende icintu nangu cimo ukufuma kuli bena.

19 Eico maneja alibetile ukwisa. Atile, “Ndecetekela ena afwaya ukulunga nokuloba, bushe teifyo?”

Atile, “Ee.”

20 Eico umo pali bashimakwebo alikwete incende yakusungilapo inama kulya, kabili atile, “Nalamupangila icabupe palwa ico.”

21 Ukuba, Mista Moore aile kulya mukucimona. Ena ali nokubwelelamo nalimo ba mailoshi amakumi yatatu na fisano, pali kabalwe. Natile. . . Mista Moore atile, “Ndefwaya ukumonako Nkashi Branham naikala pali kabalwe, ukubwekela kuli cilya.” Eico ena, bena, kabili. . .

22 Lelo, panuma ya cilya, nangula, bena baile kulya ku ng’anda ku Silver Plume, ku Colorado. Ici cilingile ukuba ku lubali uku nomba. Kabili balishita incende yakusungilapo inama kulya, nokukulapo ing’anda yamiputule isano kulya iyandi ukuti. . . pa Silver Plume, ku Colorado, umo mwaba mukati ka mpili. Eico, mwe balondo besabi, Ndemona yena ninshita isuma, eico kuti yaba nincende iisuma iya kutushishako, kabili panuma ya kulongana ne fintu, nga cakuti Lesa asuminisha. Cilya cili kuli Ena, mwamona.

23 Ndefwaya nomba ukuleta amano yesu ku Cebo. Kabili Nalicitemwa fye i Cebo, i Cebo cakwa Lesa ica mweo. Cena cili, mukati ka Cebo emwaba u Mweo. Nomba, “I Cebo, ilembo, lilepaya, lelo u Mupashi upela u Mweo.” Kabili u Mweo waba mu Cebo, pantu cena Cebo cakwa Lesa. u Mweo waba mu Cebo ca Ciko.

Kwati nga fintu Namwebele, “Ndemipela. . .”

24 Mwatila, “Ndi nensala, muno lucelo, Munyina Branham. Bushe kuti wampela ama dolla yasano?”

25 Natila ukuti, “Nalacita ico.” Nomba, mwaba fye umweo uwingi muli cilya ngefyo caba mubulayo bwandi.

26 Ulya emusango umo wine cabelamo na kuli Lesa. Ilyo Lesa alaya icintu icili conse, lyena ifyo Lesa aba, Icakwe. . . Ena alingile ukuba mu Cebo Cakwe. Mwamona? Ici Cebo calinga i. . . Ici Cebo cimo cinefye nga Lesa. Cena ni Lesa.

27 Icebo cobe efyo waba. Cakukukaka cobe; efyo twalecita. Icebo cobe ecakukukaka. Nga tekuti tusende icebo cenu, lyena tekuti Nkwate isubilo. Lelo nga kuti Nasenda icebo cenu pa cintu icili conse, lyena cena muntu uwa bucindami.

28 Kabili Baibele itila, “Mukutendeka mwali Cebo, kabili Cebo ali pamo na Lesa, kabili Cebo ali ni Lesa.” Mwamona? Mwamona? “Kabili i Cebo capangilwe umubili, kabili ukwikala pakati kesu.”

29 Nga kuti twatontonkanya, ici, isonde line ilyo tuleikalamo, muno lucelo, caba Cebo cakwa Lesa. *Cilya* cimuti Cebo cakwa Lesa. Kabili imwe, umubili wenu, e Cebo cakwa Lesa. Lesa alandile cena mukumonekela nga filya, acipangile ukufuma pafintu ifishalipo; ico cishakwetepo nangu cimo.

30 Bushe mwalitala amumona ubumi bwa muntu, uko bwena bwafuma? Akabulungwa kanono, akanono nganshi akuti nelinso lyamuntu tekuti limone kena; kanofye ukupitila mulikalamba, ikalashi ulya kukusha ifintu ilya maka. Kabili ukufuma mulya mwafuma uwamwanda umo-na-makumi yasano, umuntu wa mapaundi-imyanda ibili. Nikwisa uko ena afumine? Mwamona? Lesa alandile fyena, ukulakula, kabili kulya fyaletete bwino bwinofye. Ena alandile icimuti conse, ifintu fyonse, ukubapo. Kabili cena cintu caba icisuma, icintu icisuma, muno lucelo, ukulolesha mu Cebo cakwa Lesa.

31 Nomba ici, muno lucelo, mu Cipangano Cakale, ukupilibula ukuya ku Milandu. Ine nacilaumfwa ububi panono. . . Ilyo mulepilibula ukuya ku Milandu nomba, chapitala 18. Ukumfwafye uwanaka panono. Lelo ngacakutula Shikulu asuminisha. . .

32 Nshili uwashininkisha; tuli nokwishiba ifingi pali Citatu ubushiku. Ngacakutula Shikulu asuminisha, kabili ne chalichi caumfwa ukutungululwa muli iyo nshila, Ine ndefwaya ukusenda Citatu, Cine, Cisano, i Cebelushi no Mulungu, ngecakupuputula pano, ukufundishafye ukwakupuputula ukufuma mu Cebo. [Ulukuta lyatila, “Ameni”.—Kale.] Citatu, Cine, Cisano, i Cibelushi napa Mulungu, ukufunda fye pa Cebo; te mulimo wa bundapishi, lelo kufundafye. Limbi Shikulu akatutungulula ifwe muli iyo ine nshila. Kabili nomba ifwe. . . Ine natemwafye ukuba pamo na imwe kabili nokukwata isenge

pa Cebo, pamo naimwe. Natotela, apakalamba nganshi, pali iyo iisuma, iyawamisha “ameni.”

³³ Nomba mu chapitala 18 uwa Milandu, kabili nokutendeka pa versi 12, tulefwaya ukubika amatontonkanyo yesu, pakashita fye akanono pali ili sambililo ilikankala ilya buno bushiku. Wanu Imila-...Nangu, Tuu Imilandu, Njeleleniko. Tuu Imilandu 18:12, kabili twalabelenga icipandwa caciko pano, kabili nokumona ico Shikulu wesu alefwaya ifwe ukwishiba.

Kabili inkombe ilya iyaile mukwita, Mikaya yalandile kuli ena, nokutila, Mona, ifyoe fyaba kasesema nafilanda ubusuma ku mfumu nokuminishanya cimo; leka icebo cobe eico, Nakupapata, kube kwati ngakumo ukwabo, kabili naiwe ulande icisuma.

Kabili Mikaya atile, Nga SHIKULU ali mweo, nangufye ico Lesa wandi alalanda, ico eco na Ine nalalanda.

Kabili lintu aishile ku mfumu, imfumu yatile kuli ena, Mikaya, bushe tuye ku Rmoth-gilead kubulwi, nangu bushe twalaya cimfy? Kabili ena atile, Kabiye imwe kulya, nokutunguluka, kabili bali nokubikwa mu maboko yenu.

³⁴ Nomba ukubika amatontonkanyo pa kashita akanono; ishiwifye limo kuli Ena nakabili, pali ici.

³⁵ Mwe Taata wesu uwamu Myuulu, ne mitima iyakutotela twapalamina kuli Imwe fye nombaline, ukwimininako bonse abali mukukabila, nokwimininako ichalichi. Pa, lekeni Mupashi wa Mushilo engile mu Cebo bwangu bwangu nomba, twapapa. Twaleni Cena mukutambalala ku mutima onse pano uyo ukwete ukukabila. Kabili lintu Ena apela i Mbila Yakwe ica maka ya Cebo, mu mutima, lekeni ifwe bonse tutunguluke kuli Cena, muno lucelo; ukuya, ukusha ihema, tulesangalala nokulumbanya Lesa, tuletila, “Imitima yesu iilebilima mukati kesu pamulandu wa Kubapo Kwakwe.” Pantu ifwe twaipusha ico mwi Shina Lyakwe. Amen.

³⁶ Icikankala cabwiminishi bwesu, muno lucelo, pali ici icabulanda. Kabili Icipangano Cakale, kuli ine, caba lyonse cinshingwa nangu i—nangu icakutontapo ica Cipangano Cipy. Imiku iingi, umuntu umo atile, “Munyina Braham, mulandu nshi iwe ubulila Icipangano Cakale? Mupepi nalyonse, pakubula isambililo, iwe uya ku Cipangano Cakale.” Ine ncita ico pantu Natemwa ukupalanya. Natemwa . . .

³⁷ Amasambililo yandi tayaya apatali, ngafintu bonse mwaishiba. Kabili inshilafye imo Naishiba pakuba ku ncende imo mupepi ne cilungeme, kumona ifyo icakumwennako cali, ukulolesha ukufuma ku mafunde nokumwenako ifyo cali. Kabili nomba Naishiba ifyo cilya cali cili nokuba icintu cimo icapalana kuco ici cili pano, pantu cena cinshingwafye ica ico. Kabili Ine lyonse ndolesha kunuma ku Cipangano Cakale

ukumona ico abana bakwa Israeli bacitile, nokumona umusango wakukandwa uwa lubembu ifyo kwali, ukumona ubupingushi bwa mulinganya ubwaba kasesema bwali, ukumona ifyo ifi fintu fyonse fyali; kabili nomba Ndino kukwara ubwishibilo bwa *ici* pano, ico icafimba pali ico icikaba mu cimwela cacinkumbawile ku mpela.

³⁸ Muli iyi nshita, kwali icintu icikalamba icalecitika kuli Israeli. Ceba cali ni mumfifi ya bushiku pakati yaciko.

³⁹ Mu Cipangano Cakale, ngacakutula Shikulu asuminisha, limbi mukulongana ukuleisa, Ine nkafwaya ukumilangisha ifyo Inkulo shama Chalichi Cinelubali shapashenye mu Cipangano Cakale. Ifyo bena batampilefye bwino bwino kwati nipa—nipa ntendekelo ya Nkulo ya Chalichi iya chalichi cabena Fyalo, nokuya ukupita mu mfifi ya nkulo iyapalana, nakabili nokwisa mu nshita yabukata iya Pentecosti, pakupona ukwa Mupashi wa Mushilo mu chalichi cakubangila ica ba . . . mu nshita yaba Yuda. Nomba ukupita mu nshita imbi iya chalichi bena Fyalo, ukupita mu nkulo yamfifi, kabili nomba ukufuma nakabili ukuya mu Milleniumu, ku mpela.

⁴⁰ Nomba, ifyo ukubwelela ku numa pakati ka myanda ya myaka kulya, iyi mfumu ikalamba Ahabu aishilemukuteka. Kabili cali ena ali kwati alekonka ububile ubwa mfumu shimbi ishama Israeli, uyu ali ni . . . Ahabu, ena palwakwe, ali uwa—uwa cetekela uwapamupaka. Ine lyonse nsontelela kuli ena muli iyo ine nshila, pantu ena ali lubali lwa nshita kuli *ulu* lubali lwa cibumba, ulubali ulwa nshita kuli *lulya* lubali lwa cibumba.

⁴¹ Iwe tekuti wishibe napa kwiminina, umuntu uyo usingacita kwati ngefyo. Nangu, umuntu uyo ulanda ukuti mwina Kristu, kabili usha shikimana, iwe tekuti wishibe nefya kucita pali ulya muntu. Ileelo bena Kristu; mailo tekuti wishibe napo bena bali. Mu chalichi ileelo balesangalala nokwimba kabili balelumbanya Lesa; kabili mailo, bafuma ukuya mukunwa, ukulaikumbatila, ukula butukila konse konse. Elyo ulya musango wa muntu cintu cakosa ukucita icintu icili conse.

⁴² Ndeibukisha, ngo mulumendo, inshita imo twalikwete ka—kabalwe uwa kale, uyo aletoloka amalinga inshita fye yonse. Kabili Ndemona mwebengi imwe mwe baume, pa nshita yandi, kuti baishiba kunuma mu nshiku shakwa kabalwe, inshiku she celeta. Ninjisa inshita ishingini, kuno kwine muli uyu musebo kuno, ukwensha kabalwe ne celeta, ne mwine. Ndi amakumi yane na isano. Eico, bena . . . Ndeibukisha, uyu kabalwe umukote, ifwe kuti twabika ikoli pa mukoshi wakwe, kwati imwe kuti mwacita ingombe, ukumutalusha ena ukufuma ukutoloka ulupango. Kabili ena kuti atoloka, ifyo fine. Kabili ena kuti alambalika lilye koli no kumushingulusha, kabili na fimbipo. Ena kuti atoloka ulupango. Kabili ubushiku bumo, ifyo ena . . .

43 Kabili natontonkenye pafyalecebula ulya kabalwe umukalamba. Kabili mwali icilindi icikalamba palya. Nomba aiminine pafyani, oh, pamulu, lelo alefwaya. . . Pali imyele yafyani mucilindi. Kabili ena alitolweke lulyo lupango no kwingila muli cilya icilindi umo mwali amawaya namagalashi, umo ifwe twali. . . mu cishala cesu—cesu, kabili aingile mulya ukulyamo umupo wacani ulya. Kabili twafwaile bakabalwe nabambi ukutwafwa ukumutinta ukumufumya mulya mucilindi. Ilyo aingile mulya, alipona. Kabili ilyo aiminine kulya, ena aletutuma no kusuma umulopa, kabili—kabili ifyo ena ali, ukuti alyefye umupo, nangu ibili, iyacani camwibala, ilyo ena aiminine mucani, ukufika mumakufi.

44 Lyonse ndatontontokanya pali cilye cikope. “Inshila ya mubifi intu yakosa.” Ena tekuti ekale fye shilili uko alelya no kukwata inshita isuma, lelo i. . . atolweke ulupango nokuyaicenaula nokulepaulwa nga filya, ukuti alyefye umupo umo uwa—uwa cani capusanako. Nomba, iyo enshila abantu bacitilamo, abatoloka ulupango lwa mulemfwe wakwa Lesa. Tamulecetekela ico? Alafuma, afuma ileelo; aingila. Ali mu chalichi, alekwata inshita isuma; kanshi, mailo, ukushitisha pa cintu cimo nga cilya. Cilalenga cena ukuba icakosa nganshi.

45 Ahabu aali umusango wa muntu uyo. Konse uko umwela wapupa, Ahabu abikile itanga lyakwe, nga cali *ulu* lubali nangu *lulya* lubali. Icupo cakwe camulengele ukufulunganishiwa, no mwanakashi umunono uyo wali umwana wa mfumu umunono, umwana mwanakashi wa mfumu, Yesebele. Uwayemba nganshi mukumoneka, umwanakashi uwaemba sana, lelo mu mutima wakwe ali mubifi. Kabili ali kapepa wa tulubi, kabili alengele Israeli onse. . .

46 Nomba, ifyo Ningatemwa ukwiminina palya ama miniti fye ayanono, ngefyo cali, ukwingila mukati ka ici pali bu mayo, mwamona, kulya. Kabili ilyo mwaume atendeka ukupa; umusango wa mukashana, umwanakashi uo ena. . . Caba ukucila ukulolesha fye pa kuyemba. Imwe mulingile ukusenda umuntu umo, fyonse fibili umweo no mubili ukuilunda capamo; umuntu umo uuuli nokuba umunobe na cibusa, uyo ukekala naiwe ukupita mufyawama nefyabipa.

47 Nomba, lelo, Ahabu, awile fye pa mulandu wakwe pantu ali uwaemba, Ndemoni, nokupa. Cena tekuti cibe icintu cimbi palwa ena, pa mulandu wa, imbifi nge fyo ena ali. Kabili aishile kulya. Elyo kabili, mucine, ukuba uwapombwa pamo nankwe nga filya, kabili ali mutemenwe, mulandu nshi, alengele Israeli onse ukubembuka no kupililika Lesa, no kutobaula ifipailo fyakwa Lesa; nokukula ifipailo fyakwa Baalimi. Kabili bena bakwete ukupepa kwakwa Baali monse mu Israeli, pali ilya nshita.

48 Nomba, umukashi wakwe alilengele uwalungama Naboti. . . Mwebengi mwalibelenga pali ena. Efyo asendele ibala lyakwe, mubucenjeshi; ukulapa, ubufi, nokwiminina ubunte bwabufi kuli ena. Pantu, alefwaya ukucitila umulume wakwe icintu cimo; no kwipaya umuntu umulungami, pa kutila engasenda ibala ilyo lyailundile ku mpanga yakwisano.

49 Fyonse ifi, Lesa alelolesha panshi. Eico kasesema, Eliya, uyo wali umukalamba, umubomfi uwapulamo uwakwa Shikulu, aseseme no kweba Yesabele ico cinga citika kuli ena. Kabili aebele Ahabu ukutila imbwa shikamyanga umulopa wakwe. Nomba, ilyo Lesa asosa icintu icili conse. . . Mucine, shilye nshiku, i Cebo icituntulu icakwa Shikulu caishile ukupitila muli kasesema.

50 “Lesa munshita shakale kabili namunshila shapusana pusana alandile kuli bashifwe ukupitila muli ba kasesema, muli buno bushiku bwa kulekelesha ukupitila mu Mwana Wakwe, Kristu Yesu.”

51 Eico, *Ici* e Cebo. Kabili nge cintu icili conse caba icapusana kuli *Ico*, cilekeni ceka. Mwamona? Nomba, ica bubili, Ena alelanda ileelo ukupitila muli kasesema, kamona, kabili na fimbipo. Lelo intanshi bushe *Ici*, i Cebo. Nomba. . .

52 Kabili Ahabu acitile ubu bubifi. Kabili alitwalilile; Lesa alepala abantu pa myaka ingi. Kabili, mukulekelesha, Yehoshafati ali imfumu pali Yuda, ilyo Ahabu ali imfumu pali Israeli.

53 Kabili, lyena, Yehoshafati ali umuntu umulungami. Ena ali mwana wakwa Asa. Nge fyo Asa ali u—umuntu umulungami, kabili alyonawile ifipailo fyonse ifya—ifya tulubi; bakulile ifipailo fyakwa Yehovah. Kabili balikwete u—ukupuputulwa, ngefyo kwali, kulya muli Yuda.

54 Elyo kabili panuma yakashita, Yehoshafati, nangu Ahabu ntile, atumine, kabili asangile iciputulwa na cimbi ica mpanga, mu Syria, kabili atontonkenye ukutila yali yakwe, atontonkenye ukutila kuti aya isenda. Eico aipwishe uyu Yehoshafati nga kuti aisa panga bucibusa nankwe.

55 Kabili, mucine, kwalibako ubusanso ubukalamba nomba, mwamona, ilyo bamwene iyi mfumu ikalamba, Ahabu, pesamba palya, kabili balimwene uyu umukalamba pamulu palya, Yehoshafati; umo pali bena, uwa cifulefule; umbi, umuntu uwaisushiwa na Mupashi. Moneni ifyo mulepanga bucibusa bwenu. Moneni ico mulecita, ifyo muba mwikoli mwebene pamo na bashacetekela. Isungeni mwebene ubusaka, maka maka mu bushiku ubo tuleikalamo.

56 Ndecetekela, chalichi, ukwabula ukutwishika nangu panono, ici cilepya pa mutima wandi. Ulya e mulandu wine Ndelolela ishi nshita sha bushiku shisano, ili line; ukuba

nakabili, ilyo tacilacitika, ukupela ici chalichi ukusakula kwapwililika, ukupitila muli Baibele.

⁵⁷ Tuleikala mu finshingwa fya nshita. Kuti cacitika inshita ili yonse. Ilyo tulemona inshita ukwisa ku fintu ukucitika; ububifi bwine ubwa mulwani, amaka yene. Ifwe tulelolesha pali icipupu ca menshi makasa ne fintu fyonse ifilecitika, yonse aya malwele, ifintu fyonse ifyapusana pusanaa. Ifyo fyalengwa nefyakucilinganya, ukulasa amabomba nefintu. Bena balefulunganya ifintu kuno. Kabili bena balefulunganishiwa mu cikulwa icikalamba icakwa Lesa ica kwesasha, ukufikilisha i Cebo Cakwe. Cena cili no kucitika.

⁵⁸ Eico, “umuntu wa lubembu” ukwima, amaka, ukubepa nganshi. Owe. Nalyumfwile kapyunga muno lucelo, umuntu uwaisushiwa na Mupashi, ukusenda ululembo lwa ciswango no kutila munkanyakristu ali ni Russia. We cilubo we. Uh-huh. Russia tayakwatapo icakucita na cena. Iyo, mukwai. Cilya ca mu Malembo. Nomba, lelo moneni muli iyi nshita ikalamba iyo tuleikalamo, ukusoka.

⁵⁹ Nomba, uyu Yehoshafati, aleumfwa bwino pantu imfumu ikalamba iyakwa Israeli yatile, “Isa, untandalile.” Kabili ena aile kwisamba kulya. Kabili basendele ing’ombe iilume ne mpaanga, kabili na fimbipo, bapangile ilambo. Inshita yonse, mu mutima wakwa Ahabu kwisamba kulya, ena ali ni kabepa, pantu ena talepepa cilya. . . nangu ukupela shilye mpaanga ne fintu no mutima wacine, pantu, nangu cibe fyo, ena ashintilile sana kuli bukapepa ubwa mukashi wakwe.

⁶⁰ Kabili moneni, nga filya fine Ahabu aupile Yesabele mukati ka nshita iya mfifi iikalamba iya Israeli, aletele utulubi mu Israeli, icipashofye bwino bwino ica leelo. Munshita fye yamfifi; nga twafuma ukupita mu batumwa abapakubala, umuku wacibili, umuku wa citatu, mulya munshita yamfifi, imyaka ikana limo ne myanda isano. Nga filya fine Ahabu aupile Yesebele no kuleta ukupepa utulubi mu Israeli, eflyo ne chalichi ca Mupashi wa Mushilo caupile mu fyakucetekelamo, no kubwesa utulubi, kabili ileelo cena musango wa bwina Kristu. Mwamona? Mwamona, ukuba fye icafita nganshi. Kabili nomba caliselela panshi, cila bushiku; cila nkulo yama chalichi iselela kucintu cimo cine, ku kusondwelela ukukalamba, ku mibele ya cifulefule iilesa, iya cifulefule Inkulo ya Chalichi ca Laodikea. Oh, ifyo yaba inshita iya kutinya iyo tuleikalamo.

⁶¹ Kutikeni. Ndefwaya ukulanda pano pene, ilyo Nshilaya pantanshi. Ndi kashimikila uwa nshita ya kale uyo ulefuluka ukumona inshiku sha kale nakabili. Nalimona ubwingi bwakupashanya, Hollywood ukuyemfya i Mbila Nsuma, mpaka nalwala nokunaka nacena. Ee, mukwai. Ndefwaya ukumona amafashoni yakale. Ndi no mwenso tulepanga ubwina Kristu ubusuma nganshi ku bantu; cena mushilwa wa busanso.

⁶² Nomba, Yehoshafati aleisa, aletontokanya, “Oh, ukuba, iyi mfumu ikalamba iya Israeli, Ndi nokuba fye . . . Oh, ifwe tuli . . . Cili nokuba fye bwino.” Kabili pakati kakuyemba konse uku, nifinshi acitile? Apangile bucibusa, ukuyalwisha umulwani, nobwiminishi bumo bwine, pantu batile, “Ifwe bonse tuli abantu bamo bene.” Lelo bena tabali. Umo ali ibumba ilya isushiwa na Mupashi, limbi lyali ibumba ilya cifulefule. Bena te bantu bamo bene. Iyo, mukwai. Imwe tekuti mukwate . . .

⁶³ Imfifi teti ikwate isenge no lubuuto. I—inshita ya bushiku teti ibepo pacinso ca lubuuto lwa kasuba. Kabili inshita iya bucenjeshi sana iliko, ili pakati ka nshita. Ilyo akasuba kaleya mu mulu nangu ukwima pa mulu, e nshita iya yabuceneshi sana iyabako. Takuli icimonwa icalinga icakumona palwalala; amalaiti yenu pali motoka yenu teti yalanguishe bwino kabili ayamoneka bwino. Cena cawama ukuba nalimo imfifi nangu ulubuuto. Yesu atile, “Kukaba ukwakaba nangu ukwatalala, takwaba icifule fule.” Caba fye, ulya e mushilwa wa busanso.

⁶⁴ Kabili nomba Yehoshafati, ilyo atentemwike panshi, kabili nobu bucibusa ubukalamba bwapangwa, ubo ubushasekeshe Lesa. Kabili moneni, kabili munshita iyakwe, ukusekelela nomba ukutula, “Ninkwata ububile neyi mfumu. Kabili, oh, Na—Na—Nalikwata isenge noyu umwina mupalamano. Ninkwata . . .”

⁶⁵ Mwamona, beni abacenjela, cilya, mwe chalichi. Mwamona? Cilya e cilenga ubwafya bonse ukushinguluka ino ihema, no kushinguluka kumbi. Mwamona? Beni abacenjela pafyo mulesakana. Mwamona? Iseni fye kuno, kabili beni uwakwa Kristu nangu ukuba uwaku Mususha. Mwamona?

⁶⁶ Nomba, uyu muntu apangile icipangano conse, kabili atontontonye ukutula alicitile icintu cimo icikalamba. Nomba, ilyo asosele ukutula, “Bushe takuliko nomba, ilyo tatulaya pa mulu, ifwe tulingile ukwipusha Shikulu palwa ici?” Nomba, Yehoshafati alikwete bukapepa ubwalinga ubwashelemo muli ena, mu cilubo cakwe, icakuti aile kulya ku mfumu iyi, lelo alikwete bukapepa ubwalinga ubwashele muli ena ukutontokanya ukutula, “Ukuba, tulingile twaipushako fye kuli Shikulu.”

⁶⁷ Nomba, Ahabu alitwalilile fye ukuya kunse ukwabula ukusosa ishiwi; icibombelofye cakwe umwine, ku mubili, inshila ya buntu iya kucitilamo ifintu.

⁶⁸ Ndesunguka fye pano pene, mwe chalichi, nga cilya tacali, inshita ishingini, twalipanga ifilubo. Citontontonyenipo, nokutula, “Ukuba, cilingile ukuba muli *uyu* musango,” kabili tulecibika nga filya.

⁶⁹ Ndetontontokanya palya epo abengi bakabila wa mbila nsuma abena America bali ileelo, ukutula twalibika munshila ya—ya, kuti Natila, ukusabankanya kwambilansuma kwa mu

Hollywood, fyaba ifyakucebula. Tulemona kabila wa mbila nsuma aleisa ku ntanishi, ileelo, kabili, owe, ali uwaitumika, nokulanda ifya mipulwe ilyo talatendeka ukushimikila, nefintu fyaba ngefyo, kabili aletwalilila nokipanga kwati cakusekesha abantu, pacintamba. Nga yafika inshita yakwita abantu kucipailo, abantu tabamonamo nabucishinka ubwakwtila abantu ku cipailo. Ico nacilungama. Ulya e mulandu wine isonde lyabela mu mibele iya cifulefule ileelo, munshila lyabelamo.

⁷⁰ Ndesunguka, ileelo. Cena cili fye, ileelo, Ine. . .Ichalichi, ifwe twalyesha ukutuma abalumendo besu kusukulu, ukusambilila palwa kusoma amano, kabili na fimbipo nga filya, ukwishiba ifya kutantika ubutantiko, ukuya mu cintamba no kutantika iyese. . . Imbila ili iya kubeleleka nganishi, ukutila ili no kwikata abantu, no kwishiba amano yabo. Kabili abengi bakabelenga wamano abakalamba baya nga bakafundisha nga filya, kabili balapanga ifisela nokubikapo ifintu ifingi. Kabili Ndesunguka fye, ilyo bena. . . ukutila. . . Ifwe lyonse tulalanda pa kuemba kabili ukutemuna kwa chalichi. Lelo tulafilwa ukubeba, “Uyo uka Nkonka, lekeni ena aikanye umwine, asende icapindama cakwe, noku Nkonka.” Ndesunguka nga cakuti tatwapanga ukuyemba kwa chalichi ukuwamisha, kumulumendo uwisamo.

⁷¹ Mucakumwenako, ba Baptisti ileelo balikwata insoselo iitila, “Millioni ukucilapo muli’ 44,” ukusenda ba membala amakana, kabili namakana amakumi, abashapilibuka, abantufye abengila nokuilunda kuli chalichi. Kabili cintu ica misha ku Chalichi cakwa Yesu Kristu, ukusenda ba membala ba ulya musango. Bena bacili balanwa. Bena bacili balapepa. Bena bacili balateya incunga. Bena bacili balabepa.

⁷² Baishile ku chalichi, balesubila ukusansamushiwa ne bumba lya bakabila wa mbila nsuma ba Hollywood abema, ukubikamo ifyakucebusha ifingi, nefilimba ifikalamba nafikala pamulu napanshi wa cintamba.

⁷³ Ilyo bena fafwile ukukwata ubwakale, ubwakubika Lesa pantanishi, ubwakulila, ubwite bwapa cintamaba pesamba palya; uko abaume nabanakashi tabesa mukucebula, nangu ukubutuka uku noku ukulaipanga icakusekesha abantu, lelo ukwisa ku cipailo no kwishiba ukutila imfwa yakwa Yesu Kristu kulya, iyo abafwilile, ukutila balebwela aba bufumacumi na Lesa nakabili.

⁷⁴ Ndesunguka nga ifwe tatuleikala muli ilya nshita, ilyo tulesenda bakabila wa mbila nsuma abakalamba, nga abengi abo aleenda mucalo ileelo, abo abaishibikwa bakasabankanya ba mbila nsuma ababelenga ukubelenga amano yabantu no kutemuna abantu ku chalichi. Lelo panuma mwabaleta muchalichi, lyena ni cinshi ico muli nokucita kuli bena? Cinshi—cinshi ico bali no kucitika panuma baingila muchalichi?

Ukuilunda fye kuchalichi, no kubwekela ku lubembu lumu lwine kabili no kukabila kumo kwine uko baisesa nako mu chalichi. Babwelelamo umusango umo wine. Kabili ulya emulandu wine, ileelo, isonde lilelolesha, atile, “Ukuba, nga cakuti *ulya* muntu alikwata bukapepa, nga cakuti *uyu* muntu alikwata bukapepa. . .”

⁷⁵ Ndi nomwenso ukutila natucilenga ukuba icaanguka nganshi. Cena cili, Nalitemwa. . . Ndetontokanya, insansa, mucine, Ndecetekela ukutila insansa shonse shaba muli Yesu Kristu. Ico cishinka. Ndecetekela cansansa kabili icabuseko. Lelo ibukisha, munyina, ninshila ya kushikitika kabili ukucula ncapindama. Mufwile mwakutuluka pali ico, pamo. Ico nacilungama. Ndesunguka nga tatwacilenga caba ukucilamo—ukucilamo ukutelela.

⁷⁶ Kwati, Nacilalolesha, kabili umukashi wandi acibika. . . Nacitendeka ukufuma, kabili ena acibika iluba pe koti lyandi muno lucelo. Acitila, “Ulingile ukulifwala. Banoko bali nomweo.”

Kabili Nacitila, “Oh, we mutemwikwa, Nshishibe.”

⁷⁷ Ubushiku bwaba Mayo bwaliwama, lelo ico cili nge sonde, bena bacitwala mumakwebo, kano fye ukushitisha amaluba ne fintu nga filya. Mulandu nshi, cena kukana pela umucinshi kuli ba mayo. Mulandu nshi, bamayo ni ba mayo cila bushiku bwa mwaka, ee, mukwai, tebushikufye bumo.

Nalatila, “Mwalitemwa ba nyinenwe?”

⁷⁸ “Nalibatumine icisakatu camaluba ubo Bushiku bwaba Mayo ubwapitile.” Ukuba, munyina, ena alingile ukuba nyina cila bushiku. Lelo cena mangalo.

⁷⁹ Lilye luba lisuma. Nalitemwa iluba ilisuma. Ndatontokanya pali ico nga fintufye Ncita. . . Efyo lyawama iluba. Lilabalula. Kabili lilanunkila. Kabili nomupita nshila alalinunsha. Inama ilapita, nokulinunsha. Lelo, nomba moneni lyena lisuma. Kwati ci Chalichi cakwa Shikulu Yesu Kristu, Cena cabukata nganshi; Ukundapwa kwa maka yakwa Lesa, na maka, ne fipapwa, ne fishibilo, ne fisungusho, no buntungwa ukufuma ku lubembu. Yena ni ncende iyawama. Lelo, moneni nga ilye nsalankwale. . . Ifwe tulingile ukwisa, i Chalichi, nge fya cifyalilwa fyonse.

⁸⁰ Ilye nsalankwale, ukuba iya yemba, ing’ombe yonse mu calo kuti yamyangako nga kuti yacita ico. Lelo icifyalilwa calipekanya imyele inono, imifwi inono ilemoneka kulya, iitwa imyunga, kabili cilalileka nokuya. Ico cilalicingilila. Bwino bwinofye.

⁸¹ Kabili Ndetontokanya ukutila, ileelo, nga tatukwete i Cebo cakwa Lesa, icatwa ukucila ulupanga ulwatwila kubili kubili, ukushinguluka ukuyemba kwa maka ya mushilo yakwa Lesa,

tuli nokuleka ing'ombe yonse mucalo yamyanga pali Lyena noku Liputula. Cili no ku Cilamfya. Cili nokuba icamisha ku Chalichi. Ico nacilungama.

⁸² Ndetontonkanya, ileelo, eflyo tulefwaya bamafashioni yakale, abatina Lesa bakapyunga, ababishi, limbi tebantu basambilila sana, lelo bali nokuleta abantu kucipailo, kabili uko ukukalipwa. Tekukwata ukusangalala no kuseka, no kulasheta cungamu, no kubika ishina lyabo pe pepala; lelo, munyina, ukulila kwakale nokufwa, mpaka abaume na banakashi balapila bwino ukufuma ku membu shabo nokwisa palama kuli Lesa. Ameni.

⁸³ Ndemweba, natukwata, “Imyeni amaboko yenu, abo abalefwaya ukusumina Kristu,” bonse nga filya. Cilya cilifye bwino, munyina, lelo cilya tacile—cilya tacilefumyapo ulubembu.

⁸⁴ Ufwile walapila pakubala, waba uwalungama, ukufukama nokulila icine cine. Ndeibukisha inshita ilyo abantu aba nshita ya kale baleenda ukupita mu nshila, kabili pa mulu na mukati ka misebo, ukulila, no kulanda ku bena mupalamano. Abo bali abena Kristu aba bulya bushiku; ukubeba palwa fintu fyakwa Shikulu.

⁸⁵ Kabili, ileelo, ifwe tulabika ishina lyesu pe buuku lya chalichi, nokuya kunse no kwikala ku ng'anda, kabili ukwabula ukusosapo ishiwi palwa Cena. Ukwabula ukusakamana. “Nga twabafye ba membala bamu chalichi, ico nacilungama.” Ndi uwashininkisha ifwe tuli mucilubo apa, mwe bantu. Cencenteni. Pantu, cilya tacakeminine mu bupingushi. Iyo, mukwai. Cena tacakacite ico.

⁸⁶ Takuli cimbi, “Uyo uli noku Nkonka, lekeni ena aikanye umwine, asende icapindama cakwe, no kufwa cila bushiku.” Ekale uwafwa, palya pacapindama. Ico nacilungama. Ukukalipwa! “Inshila, Nkasenda inshila,” mukemba, “nabanono abasulwa abakwa Shikulu.”

⁸⁷ Ndetontonkanya ileelo, ifyo yabe nshita iyo tuleikalamo! Ico, ukubila imbila nsuma, balacibika mumalaiti ayakalamba, kabili nokweshi. . . Ilyo mwamona kabila wa mbila nsuma aleisa ku musumba, mulasunguka. Ine, imisonkano yandi yali no mulandu umo wine. Ico nacilungama. Ndesunguka uyo uleisa mu musumba, inshita imo, kabila wa mbila nsuma nangu Yesu Kristu? Mulandu nshi, bena balikwata. . .

⁸⁸ Nalile mu ncende kuno, te kale sana, uko kabila wa mbila nsuma umo alingile ukwisa. Kabili i Shina lyakwa Yesu. . . Mulandnshi, bena balikwete icikope cakwa kabila wa mbila nsuma, “umwaume wa nshita,” umuntu ali ne *ci*, kabili umwaume na *cilya*.

⁸⁹ Ine, inshita shimo Ndatontonkanya pali bukapyunga bwandi, no kumona abantu baleisa. Kabili kuti Naingila

mumuputule wa mung'anda yabeni, nokutila, “Lesá, nani—nani abantu abaleisa mukumona, ine nangu Imwe?” Mwamona? “Nga bena baleisa mukunmona, bena baliluba, nombá; lelo, Mwe Lesá, ntobauleni, nsendeni ukumfumyapo. Ndefwaya ukwimininako Imwe, Uyo Uo tukeminina ku ntanshi ya bushiku bumo, no kututuma amaboko no kututuma, umubili uwanakuka, ukulolekesha pali Imwe. Ukwishiba ukutila umweo wandi ukalabela pa kusala Kwenú.” Lekení tusansabike Kristu.

⁹⁰ Ileelo, mwatila, “Ukuba, Naba ku Baptisti. Ndi Methodisti. Naba ku tabernacle. Ndacita *ici*.” Oh, cilya tacakwatapo ica kucita nacena; tapali nangu cimo. Ndesunguka inshita imo.

⁹¹ Kuno tekale sana, Nalimwene u—ukusabankanya, uko umusonkano umo waleisa ku musumba. Kabili neshiwi lya muntu, ishina lya muntu lyali amalembo cine lubali ayakalamba konse, nga *filya*. Kabili pesamba, mu cifutu icinono, atile, “Yesu Kristu cimo cine mailo, ileelo, no muyayaya,” ukuya mulya mu cifutu. Mwamona?

⁹² Bena basendele ubukata bonse ukufuma kuli Kristu, no kubika cena ku muntu umo, nangu cimo, nangu akabungwe kamo. Munyina, Ndekweba, kuti waya nefyakebusha, ukusekesha kwamu Hollywood, nga filya, mu...kwi chalichi. Lelo, ku Kubapo kwakwa Yesu Kristu, Ena e Umo uwa kucindamikwa. Ico nacilungama. Nomba, cilya cishinka, munyina umutemwikwa na nkashi.

⁹³ Mwilaumfwa ubukali. Muleibukisha fye cilya Ndeshimikila kuli imwe. Ndefwaya ukushimikila kwati iyi nimbila yakulekelesha iyo Nkashimikilapo mu mweo wandi. Ndefwaya ukushimikila, yonse imbila Nshimikila, kwati Ndi umuntu uulefwa uuleshimikila kubantu abalefwa. Kabili, Ndi; ulubuuto lwandi lulecepelako, cila bushiku; nolwenu, pamo. Kabili ifwe tuli bantu kufwa. Kabili tukalolenkana na Lesa uwa mweo, bumo muli ishi nshiku, kabili tulingile ukuba mu bufumacumi ubwine bwine palwa *ici*.

⁹⁴ Ukubafye mufya kucebusha, nokutwalilila, nokuilunda kwi chalichi, kabili ukuya *uku* kabili *nakulya*, ukulacita ifintu muli *uyu* musango na *ulya* umusango.

⁹⁵ Tulingile ukuba mu kulongana kwa mapepo ukwa nshita yakale mumayanda yesu, kabili nokulila kuli Lesa, akasuba nobushiku. Ubushiku na bupalama, “inshita yakupelelwa, inshita ya mafya.” Baibele yatile, “ubushiku bwamfifi.” Kabili tuleikalila muli ico.

⁹⁶ Nga fintu uyu muntu umukalamba aile kwisamba kulya nokusekelela ukukalamba. Ayampenye umwine eka nabacifulefule, nabapamupaka, kabili atontonkeneye ukutila ena alecitafye icitu icikalamba, atontonkeneye ukutila Lesa alemupala. Kabili takutulwike ukutila aleletamo lyonse ili ibumba ukuba nankwe. Mulandu nshi? “Ibumba lyesu ilinono,

ilya—ilya kwa Yuda kuno lubali, kuti lyaisa no kuilunda fwebene ne milola iikalamba iyamu Israeli. Ifyo tukaba abantu ababulamba.”

⁹⁷ Mwacimoneco. Kabili ulya e mushilwa wine uwa bucenjeshi ciwa alebomfya ino ine nshita, ukuleta muli munkanyakristu; nga fintu Ndi uwashininkisha nge fyo njimine muli ici. “Tuli nokwampanya imibombelesu yesu capamo.” Tekuti tucite ico. Kuti babili baendela shani capamo, kano basuminishanya?

⁹⁸ Iyi United States ukuipangila cimo cine, ukwishiba kumo kwine kabili ne cilubo cimo cine, ilyo yaampene na Russia kunuma kulya. Pa nshita bali fye mupepi nokuipekanyau ukukwata inkondo, kabili ukuicingilila fwebene pamo na Russia. Kabili nomba mulemona ico twakwata, bushe tamulemona? Balikwata indeke shesu kabili ne nkama shesu shonse, kabili na ma bomba ya atomic ne fintu fyonse ukuba kulya lubali, ukufiposha kabili kuli ifwe. Ni cimo cine icintu cicitika namuli bumupashi.

⁹⁹ Elyo tulesanga ukutila, panuma ilyo Yehoshafati apangile ubu bucibusa, kabili bena balipwishe. Nomba moneni, lolesheni isonde lya kunse, atile, “Mucine, twalikwata bakasesema abengi kwisamba kuno. Twalikwata seminali iyaisulamo bena.”

¹⁰⁰ Bena balile kulya no kusenda abantu abo abasambilishiwa, abo abaishiba ukwishiba amano, abo abaishiba fyonse palwa cena. Atile, “Isa nomba, kabili tulelomba no kwipusha Shikulu.”

¹⁰¹ Bonse fye bena, mucine, mu mano yabo aya buntunse aya buntunse, ukwisa kulya no kusosa ukutila, “Nomba, lolesheni, ifwe... Imwe kabiyeni kulya. Shikulu ali na imwe, kabili Shikulu ali no kumupela cilye ciputulwa ca mpanga kulya kumulu. Cilya, cili nokuba icenu. Muli no kusunka abena Syria ukubabwesha kunuma. Muli no kucicita ico.” Umo muli bena aipangile umwine amasengo ayakulu aya cela, kabili atendeke ukulabutuka nga *ifi*, aletila, “Ifyo efyo cili, muli no kusunka abena Syria.”

¹⁰² Lelo, Yehoshafati, uwaliko uwamupashi, ukushipikisha nefyamipulwe ifya bola. Ico nacilungama.

¹⁰³ Lesa atupele ba Yehoshafati nabambi, twanaka nemipulwe yamu Hollywood. Ico nacilungama, ukulafwala, ukufungusha ukuba icintu ico tababa; ukulaipanga, ukupanga amangalo, ukulaletamo ifintu. Elyo kabili ilyo baingile, ni cinshi ico mukwete ilyo mwaingila? Kwati kwipusha umuntu ukutila, “isa mukusamba mu ciswebebe”. Tapali lelo mucanga wakululamba pa mutwe obe, ukuleta amalanda panuma.

¹⁰⁴ Nomba moneni, ni cinshi ico wingabaletamo? Na mayo umo atile kuli ine ubushiku bumbi, “Umuntu umo atile, ‘Ndi nokuya ku chalichi, lelo ni cinshi—ni cinshi ico Ningakwata ilyo Naya ku chalichi?’ Atile, ‘Fyonse ifyo bacita kupekanya umulalilo umo, kabili bena... palwa *ici*, *ico*, kabili *icibiye*.’” Kabili na

mayo atile, “Nshalandile, pantu Nshashibe ifya kumutumina.” Mwacimone co. Atile, “Ndekabila nga Nalisangile ichalichi icakale uko bena mucine bemba inyimbo sha nshita yakale no kwikala bulesa.”

¹⁰⁵ Abana bali nensala, bena bali nokulya ukufuma mu ng’ungulu. Cena cili ku Chalichi cakwa Lesa uwa mweo ukubalisha i Cebo ica mweo ica i . . . cakwa Lesa.

¹⁰⁶ Kulya, muli fyonse filya ifyabengeshima ne fintu, Yehoshaphati atile, “Bushe takuli naumbi?”

¹⁰⁷ “Naumbi umo?” eflyo Ahabu asosele. “Ukuba, cinshi ico ulefwailapo na umbi umo? Natukwata imyanda ine iya bawamisha, abasalwa, abasambilila, abalishiwa bwino, abafwikwa bwino abaume ababapo mucalo, nabeminina pano. Cila umo muli bena no mutima umo, kabili ne shiwi limo, ukusosa ukutila, ‘Kabiye! Lesa ali naiwe.’”

¹⁰⁸ Ndesunguka nga cakuti United States takumenye icintu cimo cine. Ndesunguka nga cakutila i Chalichi cakwa Lesa tacakumanya icintu cimo cine. Ndesunguka. “Ukuba,” ukusosa, “lolesheni, bena balekwata ukulunduluka. Bena balekwata iikalamba, imisonkano iikalamba. Balesenda amakana pa nshita imo.” Lelo Ndesunguka nga takuliko fye naumbi umo. Ndesunguka nga takuliko icintu cimo icapusanako.

¹⁰⁹ Tulesanga ukutila, twalikwata amakana amakumi yatatu mu milungu mutanda, kabili imilungu mutanda panuma ilyo tatukwete nangu umo. Kuliko icintu cimo icalubana pa cifulo cimo. Cilya cishinka. Kabili fyena fyonse kubengeshima, ukufwala. Isonde, ukupitila mucitunshi tunshi, ukupitila pa cilimba, ukupitila mu cikope cilangisha, kabili filya ifya kusabankanishishamo kunse kulya, fyali kowesha cino calo nokubola kwaku Hollywood. Ico nacilungama. Fyonse filefwaya ukubengeshima ukukalamba. Bushe ico te cishinka? Namwishiba ico cishinka. Tatwakwata imipepele yakale iyo twakwete imyaka yapitapo iyakale. Ni pa mulandu wakutila nacibikwa panshi. Twalaisa kuli cena, mukashita fye akanono, muli nokumona.

¹¹⁰ Mulandu nnshi, ifyo caba icikope icisuma, nangu icikope icakupapusha, kuti Nasosa. Kabili uyu Yehoshafati aisa, atile, “Ee, Nalibamona bonse. Bena eflyo baba, cila umo, balikwata ama digri yabo,” kabili na fyonse ifyo cali. “Bonse niba kasesema nangu bakapyunga abakalamba. Bafuma muma collegi ayakalamba. Kabili baliba fyonse ifi. Bena bafuma kusukulu likalamba ilya kwa kasesema, ne fintu fyonse. Bena bonse bali no mutima umo. Cilya cishinka. Lelo bushe takuliko fye naumbi?”

¹¹¹ “Ukuba, ni cinshi ico mwingakabila na umo umbi, ilyo imyanda ine ilesuminisha pa nshita imo?”

112 Lelo ulya muntu, panshi ya mutima wakwe, alikwete Lesa. Kabili ena alishibe ukutula kwaliko icintu cimo icalubana palwa cilya. Ee, mukwai. Alishibe ukutula kwali icintu cimo icabola. Mulandu nshi? Lekeneni mupele. . . Amalembo tayalanda pali yena, lelo ici pano ico Nkwete. Ninjishiba ukutula—ukutula Yehoshafati alishibe ukutula ulya bumbi munda kwisamba kulya, Ahabu, ukutula ena tali uwalungama na Lesa. Kabili Eliya aliseseme i Cebo cakwa Lesa kuli ena. Kabili musango nshi Lesa engapala ifyo Ena atipile? Ameni.

113 Ndesosa icintu cimo cine ileelo, cibusa. Kabili i Chalichi cakwa Lesa uwa mweo, ico ciminine icacine kuli Lesa, cikasosa icintu cimo cine. Imwe tekuti musankanye amafuta na menshi capamo nokucita ati cena lipusukilo. Imwe tekuti. Ulingile ukuipatula wemwine, munyina. Icintu cimo cilingile ukucitika. Nga kuliko isubilo ilili lyonse ilisheleko, ifwe tulingile ukucita icintu cimo, no kucicita bwangu bwangu; pantu, ora iya Kusumbulwa ili mupepi.

114 Ifintu filetulikwa, ifintu fyonse, kabili ichalichi cili ukutali nganshi. Bena balabelenga imisango yonse iya ma buuku yanono, ama buuku, amalyashi, ne fintu fyonse. Ine kuti naya ileelo ku i. . . Ine kuti naya ku chalichi, kabili kuti Natila, “Oh, nibanga abaishiba. . .” Bena balishiba ulwimbo lonse, panuma ya umo uwa uku kupuputulwa ukukalamba. “Nomba, ifyo—ifyo ulwimbo lwa ifi-ne-fi lusangwa pe bula?” Bena balicishiba. Bena balishiba uo ena aba. Baleshiba uuleiminina pali bu Kateka, kabili uuleiminina pali *ici*, kabili nempendwa yabangala ifisela abopile, *ici* kabili *ico*, *cimbi*. Lelo, i Cebo cakwa Lesa, tabaishibapo nangu cimo. Eifyo fine. Eico tulepela ama glas- . . . Kabili, nomba, bena bailumbula ukuba abena Kristu.

115 Kabili umulandu tauli nabantu. Waba kunuma yacintamba, uko cifuma. Bwino bwino. Waba kunuma yacintamba. Bena balabasambilisha imisango yonse iya nyimbo, ne misango yonse iya *ici* na *cilya*, no tubungwe, kabili ifyakupanga amabumba ya misepela, ne fintu fyonse nga filya. Ndesunguka nga cakuti cilalipilwa. Tapali ukususha nangu kumo, lelo Nde sunguka nga cakutula bukabilo bwakwa Lesa.

116 Ilyo, Yesu atile, “Kano fye umuntu afyalwa ku menshi no Mupashi, takatale ingila mu Bufumu. Uyo uukacita ico pa. . . uuka Nkonka, lekeni aikane umwine eka, nefyakusekesha ifyesonde, akasende ulupanda lwakwe, noku Nkonka.” *Icapindama* cimininako “imfwa, ukukalipwa.” “Uyo akaba umwina Kristu, lekeni afule amatontonkanyo yakwe. Lekeneni afule imilimo yakwe. Lekeneni ena afule ifintu fyonse, ukuikana umwine, nokusenda cilya icapindama icasangululwa, noku Nkonka cila bushiku. Uyo uuli nokwisa panuma Yandi, lekeni acite ico.” Filya efyo Yesu asosele.

¹¹⁷ Lelo, ileelo, ifwe tulelanda ukuti, “Umuntu onse alikwata inshita iisuma. Umuntu onse alatota amaboko yakwe. Umuntu onse alapunda, ‘Alleluya!’ Umuntu alacita *ici*.” Oh, ifyo ifwe twakwata ibumba lyabalanda ubufi! Ameni. Lesa... Ifwe twalikwata ishi inyimbo ishipya kabili tulashimba mukwangufyanya, ukutila cena cimoneka kwati ifwe tulebutuka ulubilo ukupula mucibumba pamo na shena, nangu icintu cimo kwati ngefyo.

¹¹⁸ Lintu, Ine ndetontonkanya, nga cakutila ifwe kuti tuleimba ulwimbo *Mupepi, Kuli Lesa wandi, Kuli Imwe*, kuti caba cena icawama ukucilapo ku Chalichi; inyimbo shakale.

¹¹⁹ Nokushana ukwingi kwa mwibumba lya bantu, umulumendo umu mwibumba lyakushana abengi pano balelisha, ubushiku bwafumineko, kabili munshita ino iyabushiku ali pano aleangala mu chalichi cakwa Lesa wa mweo? Cena camuselu mu cinso cakwa Lesa. Lekeneni uyo muntu ashininkishiwe, mukubalilapo, kabili lekeni ena alete ifisabo, ifyalingilwa ukulapila, ukulangisha ukutila ena ali uwalungama na Lesa.

¹²⁰ Bena baleta isonde lyakushana ukushana kwakuya ku ntanshi na kunuma ku cintamba. Bena baleta Hollywood, ukushimikila ukwakuyumfwa, kulya kwine ku cintamba.

¹²¹ Mulandu nshi, Ine nshaikalile mu musumba wenu uumoneka bwino imilungu iinono iyapitapo, mu Louisville, Kentucky? Umutima wandi waumfwile ubulanda, lintu bena baikele palya, abakabila ukumona ifisungusho fyakwa Lesa; kabili lilya linefye ilyo washimikila i Mbila nsuma, bena kuti baisusha, mukashita akanono, kabili nokufutatuka inuma shabo nokufuma mucikulwa. Icine cine. Bena tabafwaya Cena. Imitima yabo yali koshiwa. Bafuma; kabili abengi pali bena, niba Protestanti, pamo, abaya ku ma chalichi ya ba Protestanti. Lelo bena baba abaisushiwa... abaisulamo nganshi ifya kuyumfwa na fyonse ifintu kwati ngefyo, ifyaonaika kabili abaikatilila kufya kucetekela kwa chalichi, mpaka bena bakana ukwishibapo icintu nangu cimo palwa Mupashi wakwa Lesa wa mweo. “Abakwatafye imibele yabulesa, kabili nokukana Amaka ayo ayaba.”

We bushiku we ubo ifwe tuleikalilamo. Moneni apo cena cilebikwa.

¹²² Yehoshafati atile, “Ine ninjishiba, Ahabu. Abo ebakashimikila bobo imyanda ine. Bena bonse bantu abalemoneka bwino, cila umu pali bena nafwala kabili nemishishi yabo iyasakulwa busaka busaka, kabili nefintu fyonse, na fyonse ukucilapo ifyo bena bengaba. Bena limbi kuti bakwata ama D.D.’s yabo. Bena limbi kuti bakwata imisango yonse iyama digri. Bena limbi kuti baishiba Amalembu, ukufuma ku A ukufika kuli Z. Lelo bushe taukwetepo umu

umbi, ku ncende imo? Bushe takuliko umo fye umbi, ku ncende imo?”

¹²³ Ena atile, “Ee, ekwali umo umbi, lelo Ine nalimupata ena.” Mwaumfa imwe. Mwaumfwa imwe. “Ine nalimupata ena.” Ibukisheni, Ahabu ali muntu wa bukapapa, kabili naba bali ni bakafundisha aba bukapapa, lelo bena bapatile uyu muntu uwakwete i Cine. Atile, “Ine nali mupata ena.” Atile, “Ena lyonse alalanda ifintu fimo ifyakulwisha ine.” Nomba kuti afumako shani kukucita ico, lintu i Cebo cakwa Lesa camusekele ena?”

¹²⁴ Kuti waikala shani tondolo nga cakutula iwe uli muntu wakwa Lesa, nangu umwanakashi wakwa Lesa, kabili ukwishiba nokumona ulubembu nefintu, nafibikwa kabili ifyapimwa, kabili ne fintu fimbi kwati ngefyo; kabili wamona imyeo ya bantu ileya kumbo; ama milioni cila bushiku; kabili waikala tondolo? Iwe tekuti ucite ico.

Umuntu umo alandile kuli ine ubushiku bumbi, atile, “Iwe uletontonkanya kuti wacilesha ico?”

¹²⁵ Natile, “Iyo. Ine teti ncileshe ico, pantu Lesa atile. Lelo ubushiku bumo, pa Cipuna ca Bupingushi, bena bali no kubikapo icakumwenako icikalamba, ukubyashapo camera kulya kwi shilya, kabili nailya tepu iilesunga fyonse ikabikwapo nokulila. Kabili Nkeminina noku kutika kuli yena; Ine nkafwaya ukumfwa ishiwi lyandi lilesoka ukulola kuli ico. Lesa aka mpingula lintu ishiwi lyandi lyaisa kana ico.” Ee, mukwai. Lintu ifwe tukamona uyu umweo, iyi nkulo, ukubwekeshiwapo nakabili kulya kwi shilya pa bupingushi. Icine cine. Ifwe tuleikala mu nshita iya bipisha. Kabili kuti mwamona yena.

Kabili ifwe twamwene ena acita . . . atile, “Bushe takuliko umo umbi?”

¹²⁶ Ena atile, “Ee, lelo Ine nali mupata ena, pantu ena lyonse asesema ifyabipa ukususha ine.”

¹²⁷ Ni mu musango nshi ena enga fumako ku kushimikila ifyo ifintu ifyakosa, lintu amona cena ciletwalililapo? Moneni Ahabu alekala kwati fintu ena ali kabili nokucita kwati fintu ena alecita, kabili nokuleta abantu kwati fintu bena bali.

¹²⁸ Kuti caba shani umwaume wakwa Lesa, nangu umwanakashi wakwa Lesa, engaleka ukulapundisha nokulakalipila ulubembu ukufuma kulubali lonse? Lintu, bena bamona aba bakashimikila aba cifule fule, kabili abacebusha, kabili bakasambilisha, kabili nefyaba kwati ngefyo, ukuleka abantu ukuya kumbo, ama milioni, pesamba lya bucenjeshi; abengi abo . . . nangu fye ku bantu aba bumushilo. Nshilelanda apakalamba palwa ba Methodisti naba Baptist, ne fintu ifyaba kwati ngefyo; bena balikwata ifyo, pamo. Lelo cena cili bwino mu ncende shenu.

¹²⁹ Ukwisa, kwandi ku cintamba, kwati nge fintu fimbi lelo abena Kristu, ukulaikala kwati fintu fimbi, ukuya monse mu fyalo ne fintu, nomba bena baileta ico “bukapepa.” Cena ni bukapepa, lelo cena caba ukutali ukufuma kwi pusukilo lyakwa Shikulu. Ico nacilungama. Bena bakwatafye ibumba ilikalamba ilyabafulwa. Nomba lilya line fye ukufulwa ukunono kwafumapo, nomba, icintu icakubalilapo namwishiba, iwe tekuti usange umo pali bena; ichalichi kuti caikala umwabula abantu. Munyina, nga cakutula umuntu alitemwa Lesa, ena ali nokwikala pa cipuna cakwe mu chalichi, inshita yonse. Ena tekuti afumeko kuli cena. Ico nacilungama.

¹³⁰ Nomba moneni, inshitafye iinono. Nalaesha ukwangufyanya, ukuyafye pacikomo nomba, pantu inshita yandi ileya ilepwa.

Moneni, nomba ena atile, “Bushe takuli lelo umbi umo?”

¹³¹ Ena atile, “Ee, lelo Nali mupata ena. Ena lyonse asesema ifyabipa ukulola kuli ine. Ena alanda ifintu ifyabipa ukulola kuli ine.”

“Nacilungama,” atile, “kabiyeeni kamuleteni ena.”

Ena atile, “i Shina lyakwe ni Mikaya.”

¹³² Lelo uyu muntu alikwete bukapepa ubwalinga ubwakwishiba ukutula aba bantu tabalungike.

¹³³ Kabili umuntu onse uyo uwatala akumishiwapo, mucintu icinono, no Mupashi wakwa Lesa, alishiba ukutula ifi fintu, icintu ico icitwa ubwina Kristu ileelo, ico tacaba icalungama. “Iwe tekuti utemwe isonde, nangu ifintu ifyaba mwisonde. Nga cakuti iwe wacita ico, ukutemwa ukwakwa Lesa takwaba muli iwe.” Baibele efyo yalanda.

Nomba lolesheni. Ena atile, “Kabiyeeni kamuleteni ena.” Kabili bena baile kulya.

¹³⁴ Kabili nomba ena atumine inkombe iinono iyakale ukuya, dikoni wamu chalichi, limbi, nangu umuntu umo, aile kulya nokutula, “Nomba lolesha, Mikaya, ifwe twalakusenda ukukutwala kuli Ahabu na Yehoshafati. Nomba, bena bonse babili beke kulya, kabili bena bantu abakalamba. Bena nibakafundisha kabili bena nibakasambilila. Kabili bena balikwata ama degree yabo, kabili nefyaba ngefyo. Kabili naonse umo uwamu seminale yesu, naumo uwamu ma chalichi pano, ali uwafikapo mukumfwana ukutula ubu ebufwayo bwakwa Shikulu. Nomba, imwe mulalanda ifintu fimo fine ifyo bena balanda, kabili Ine nalamweba imwe, ukuti imwe mukafwale bwino nokwenda muli motoka ya Cadillac. Ine ndemyeba ukuti, imwe muli nokuba fye umuntu umukalamba nga cakutula imwe wacita ico. Ee, mukwai. Imwe muli nokutunguluka.”

¹³⁵ Mikaya atile, “Nga fintu Shikulu Lesa ali nomweo, Ine nalalandafye ifyo Lesa alelanda.” Ameni. Ee. Oh, kwaliba umuntu uwaba pa mutima wandi. “Ine limbi kuti nalya umukate na menshi,” ifyo ena acitile, “pakucita ico.” Ena limbi aumine kwisaya limo nakulinankwe, kabili naconse ukucilapo, lelo ena alandile i Cine nokwiminina nacena. Lesa ashininkishe cena ukuba Icine. Ena tali uwaishibikwa nganshi, lelo alishibe Lesa.

¹³⁶ Aletele umunono umukalamba Mikaya kulya kwine. Atile, “Nacilungama, Mikaya, cinshi ico iwe ulelanda palwa ico?”

¹³⁷ Atile, “Ninene kabiyeni. Ninene kabiyeni.” Atile, “Ninene kabiyeni, mu mutende. Twalililenipo kuntanshi, mutunguluke, ico eco Ine ndefwaya imwe ukucita. Lelo Ine nimona Israeli kwati ni mpaanga, ishabula kacema, pa lupili, naba salangana. Ifyo eflyo cena cili,” eflyo ena atile.

¹³⁸ Kabili lintu ena acitile kwati ngeflyo; kabili Ahabu apilibukile kuli Yehoshafati, atile, “Cinshi ico Ine nalakweba iwe? Ulya kakunkuluka wa mushilo...” nangu, cinshi, njeleleniko ine, nangu, conse ico cena cali; ulya umuntu atile, “Ulya... Cinshi ico Ine nacikweba iwe? Ulya muntu ena asesemafye ububi—ububi ukulola kuli ine. Cinshi ico Ine ningalanda? ‘Ena kusushafye ichalichi cesu, nokususha bakapyunga besu, kabili nokususha inshila ya bukapepa bwesu.’ Cinshi ico Ine nalakweba iwe? Ena ali nokucilanda. Ine nalimwishiba. Nalishiba nawishi wakwe uwamutangilile.” Ameni. “Nalishibe wishi wakwe uwamutangilile.” Uh-huh, ee, mukwai, umuntu umwine mwine uwakwa Lesa. Atile, “Ine ninjishiba ukutila ena kuti alanda ico.”

¹³⁹ Kabili eico nomba ena atile, “Ee,” atile, “Ine Israeli kwati nimpaanga, nabasalangana, ukwabula kacema, palupili.” Kabili eico nomba ena atile, “Na-...”

¹⁴⁰ Kabili nomba ulya umo pali balya abantu uwakwete amasengo ayakalamba, alefwaya ukufuma ukuya. Kashimikila aishilepo nokusenda Mikaya umunono konse konse, nokumuma pakanwa mumaka ngeflyo ena engacita, atile, “Ninshilanshi u Mupashi wakwa Lesa waciya lintu Wena wacifuma muli ine? Nga cakutila iwe nawishiba.”

¹⁴¹ Ena atile, atile, “Lolela mpaka iwe wikale mucifungo pano pene, kabili iwe walaishiba ninshilanshi iyo Wena waciyamo.” Ico nacilungama.

¹⁴² Loleleni mpaka Russia ikale pano, ibula ifyalo kwati ngeflyo, kabili nacino icalo, pa mulandu wakupona kwakwe, kabili imwe muli nokumumona ico icali icalungama necalubana. Ico nacilungama. Imwe muli nokumona nga cakutila bukapepa bwenu ubwacifule fule bukamulipilapo icintu, nangu iyo.

¹⁴³ Lekeneni ici calo cikese mufilamba, tekwise mukuseka na mukucita ifisela. Lekeneni ici calo cikese pamakufi yaciko, mukulapila. Ico eco ifwe tulekabila. Tekupuputulwa ukwakuleta

abantu abengi mu chalichi. Ifwe tulefwaya ukwisala ukushitisha conse, ukulesha fyonse ifyakupepa imishanga, ukubongolola mufiyanda umwakupangila. Ukutampa icintu icituntulu, imicitile yakale, mukulongana kwa Mupashi wa Mushilo; umo abaume na banakashi, akasuba no bushiku, ukulala pa finso fyabo, balelila. Ine ndemyeba, cena cili nokuba icakutushamo icikalamba ico cino calo tacakwatapo. Ico ca cine.

¹⁴⁴ Lekeni Branham Tabernacle ileke ifybupumbu fyabuko. Lekeni cena cibwelele pano pa cintamba nokuba icalungama pamo na Lesa. Muleumfwana pamo nabena mupalamano, nefyaba kwati ngefyo, kabili mube abalungama pamo na Lesa. Imwe kuti mwakwata ifyakulanda ubufi ifili fyonse nokutwalililapo; cena cili nokuba incende iya mwisonde. Ico nacilungama. Nomba, ico e cine.

¹⁴⁵ Nomba ena atile, “Ni nshila nshi umo u Mupashi wakwa Lesa waciya ukufuma muli ine?”

¹⁴⁶ Kabili Mikaya atile, “Ine nacimona Lesa, no mulalo Wakwe, necisaka Cakwe, nabekala mu Bukata.”

¹⁴⁷ Imwe namwishiba, Lesa alikwata icisaka Mulya mu muulu, pakashita kamo. Ena, Ena alaleta Abantu Malaika Abakwe—Abakwe nokukwata icisaka umuku umo mukashita, mulya mu Muulu.

¹⁴⁸ Kabili ena atile, “Ine nacimumona Ena naikala pa Cipuna ca bufumu, kabili nabantu bonse baciba nabeminina kukulyo na kukukuso kwa kuboko Kwakwe.” Kabili acitila, “Bena balelanshanya, ‘Ninani untu twalabula ukuti aye panshi nokuya bepa Ahabu, ukumufumya muno kabili nokufikilisha ubusesemo bwakwa Eliya? Lesa ena efyo alanda ifyo, pali ico icili nokucitika, eico ifwe tuli nokumonafye uyo uuli nokuya panshi.’”

¹⁴⁹ “Kabili umupashi uwabufi waishile fuma pesamba,” ifyo fine, ukufuma kumbo, “nokwisa kucinsu cakwa Lesa nokutila, ‘Ine nalaya panshi, kabili Nalaya bula balya bakashimikila nokubalenga bena ukusesema ubufi.’” Oh, bushe cilya calibalepawile bena. Bushe cilya cabapangile bena ukumfwa abakusekeshu, lintu, “Bena batile, ‘Ine nalaiikila nokulenga balya bakashimikila, cila umo pali bena, ukusesema ubufi.’” Kabili wena waikile nokuya muli balya bakasesemaa, kabili bena batampile ukusesema ubufi.

¹⁵⁰ Kabili, munyina, Lesa umo wine euteka pa Cipuna cimo cine ica bufumu ileelo. Kabili ulya wine umo wine umupashi uwabufi walicita cilya cine icintu cimo cine ileelo, ukusesema ubufi.

¹⁵¹ Bena batwalililepofye ukulanda ukuti, “Umutende, umutende, umutende,” panuma ya Bulwi Bwakubalilapo ubwa Calo conse.

¹⁵² Lekeni imilangishe apo cena cafuma. Mu Nkondo ya Kubalilapo iye Sonde lyonse, lintu France, kulya

kwine, afumineko kuli Lesa, Mu myaka yamu ma Nainte iyakutunguluka, kabili nokutampa . . .

¹⁵³ Nomba Nalafika panono pamibele isuma, eico imwe bonse mwikale tondolo bwino bwino pama mineti ayanono.

¹⁵⁴ Lolesheni, kunuma kulya, mu kutendeka, kulya kwine ku France, kulya kwine eko imibele yabipa nefyakowela fyabalilepo ukucitika. Nga cakutula kwaliko ubwendo bwaba kwindi mwisonde, cena cali nimu Paris, ku France. Kabili Ine nalyenda bwino mu ncende mupepi na yonse iya ciko, kabili ilya e ncende iyabipisha iyo Natala monapo. Kabili London, mu England tapalipo ubupusano bukalamba. Kabili na United States naena aleisafye munshila imo ine pamo na cena. Ico nacilungama. Mwaumfwa bena balya.

¹⁵⁵ Inshita yonse iyo imwe mwaonaula imibele isuma iya bunamayo, imwe ninshi mwaonaula umusana uwa calo.

¹⁵⁶ Pano kuli mwapitamo, mu fyalo fyabo abene, kabili watila iwe niwe missioni, bena tabafwaya ico. . . Batila, “Cinshi ico iwe walatweba icakucita, ifya kwimba inyimbo ishabipa palwa bakashi besu, nangu palwa bakashana besu? Bushe iwe walatweba ifyo tufwile ukuleka abakashi besu? Ukutufundisha ifyo ifwe tufwile twanwa whiskey nokuya munshila iyo ifwe twilamo?” Ifyo efyo ifwe twaba.

¹⁵⁷ Ifwe tuita palwesu icalo ca bukapepa, icalo ca bena Kristu. Ukuba, bena “abasenshi” mu Africa ku batufundisha imibele, ifyo ifwe tufwile twaikala. Incende iyabolesha, mu United States, nangu, mwisonde, mupepi, nicino icalo, ifyo cena cakwata. Ine ndi mwina America, icine cine. Lelo, munyina, Ine tekuti ngafwilishe, ilyo ukufuma kunuma Ahabu nangu Yehoshafati. . . Kabili Ine mfwile ukulanda ico Lesa alanda ukuba i Cine. Ico eco ichalichi cilekabila ukwimininapo, ileelo. Nga cakutula caisa pakati ka calo na Lesa, cena ni Lesa, lyonse. Ee, mukwai.

¹⁵⁸ Moneni, mu France, bena batampile fyonse ifyakubola kwabo, kabili nokwila munshila iyo baleikalilamo kulya kwine. Kabili nomba Lesa atumine Germany ukuya kuli bena, ukuboma bonse pakashita akanono. Nomba ifwe twaile kulya ku kuya pususha inkanda shabo. Kabili lilya line fye ifwe twacitile ico, kabili nokuwina ulubuli, nokubwekeshamo abena German kunuma, bakwete umutende pamo France, bushe balipilibukile kuli Lesa? Iyo, mukwai. Abanakashi, ubwalwa, ubulale lale ubwingi, ulubembu kabili nokutapa ukwapwililima.

¹⁵⁹ Nomba cinshi ico cintu bena bacitile? Cinshi cacitike? Pano epo ena atampile. Ciwa abikile icisaka cakwe palya. Palya epo ena atampile, palya pene, ukutompola isonde, ukufuma ku Paris, mu France.

¹⁶⁰ Nomba, nga cakutula imwe kuli mwamona, ena taishile muno ukupitila mubupyungishi, eico icintu ico ena acitile kwisa mu

Hollywood pano pene. Ena abikile Holl- . . . Ena abikile icisaka cakwe pano pene mu Hollywood. Kasebanya abwelele pano pene, imyaka iinono iyapitapo, ikumi naisano nangu amakumi yabili, nabamulalo ukalamba uwabulwi bwakwe, kabili aile, nokuya uma mu Hollywood, mu California. Kabili alingilila United States pamo na maka yangulu shakwe. Nacilungama. Yonse amafashoni yesu yafuma mu Paris. Bena bapokelela fyena mu Hollywood, bafilangisha napa fitunshi tunshi. Aba abakashana banono na balumendo abanono, nefintu, balafuma pano, balatamba amangalo pafitunshi tunshi.

¹⁶¹ Abaice abanono abasuma, abantu abanono abasuma, tapali nangu cimo icabipa ukulola kuli bena. Lesa apale imitima yabo inono. Umutima wandi ulasuma umulopa pali bena.

¹⁶² Kabili muno mwine mu musumba, Nalelanda ku wandi . . . umo pali . . . umulumendo wandi, ubushiku bumbi. Atile, “Taata, ngacakutila kwabafye abalumendo bamo kulya kwine, mu musumba, aba abakwete Mupashi wa Mushilo,” nefyaba ngefyo. Imwe kuti mwasunguka umulandu walengele Ine ukuyaku Denver, ku Colorado, nangu kumbi ku ncende kwati ngefyo? Ukutwala abana bandi ku ncende imo uko ukwaba ibumba lya bantu abo abalilila kuli Lesa; ico eco tukabila, munyina.

¹⁶³ Cino calo, cino calo, uno musumba, ino ncende, caliba icatompolwa mpaka cena caba icakumfwilwa ubulanda. Ngacakutila Ine kutifye nalondolola bwino nombamba line paci Ine mukupwililika naishiba ukuba icine pano penefye, cena tekuti nangufye cibe icakupelwa kuli cintobentobe wabantu. Nangu, pano pene muli umo musumba wine pano pene; tepano pekafye, lelo mu ncende shimbi, konsekonse, cena caba icaanguka . . .

¹⁶⁴ Pantu mulandu nshi? Abantu . . . Lolesheni, mwefibusa ena alikwata inshila shabucenjeshi. Cena caba icaanguka, mpaka cena caya cilefutumukafye ukocafye imwe panshi. Ciwa aleba mufyama fashioni. Ena limbi ama fashioni tayapwile, lelo tafumine mu makwebo, Ine ndemweba ico. Ena acili mu makwebo.

¹⁶⁵ Lolesheni, ileelo. Tubule, kwati fintu Nacilandile pakashita akanono akapitapo, palwa kwa namayo munono, umukashana mukalamba umunono neluba ilisuma. Mucakumwenako, iluba lisuma, lyena lyaliyemba; lyena lyaba palya ukuloleshapo, ico cacine. Kabili ico cabafye kwati chalichi, cena caba palya ukuloleshapo. Kwati ngo mwanakashi umunono uwaemba, ena aba palya ukuloleshapo. Ico nacilungama. Lelo ngacakutila ena . . . Ena ali umusuma, ifyo ena aba ku mulume wakwe, ena—ena alifye uwalungama. Lelo ngacakutila ena takwata imibele isuma iyalupanga lwasonta kulya ulwakucingilila ena, ena abafye uwankongole kwibumba naku bantunse; ibwesha panshi nganshi kabili nokwiibika mumibele yakusungusha

iyabipa kabili iyabola mpaka nembwa tekuti shiloleshe pali ena. Ico nacilungama.

¹⁶⁶ Kabili cintu cimo ku Chalichi cakwa Lesa wa mweo. Bena baisa pano nokweshwa ukucebusha kabili nokwipanga abene beka, nokucita kwati...Fyena fifula abanakashi pano, nacilungama...kabili nabantu tabeluka ukuti ifi ifiwa nafingila mu mayanda.

¹⁶⁷ Mulya mwine mubena mupalamano ubushiku bumbi, namayo umusepela untu Ine ntontonkanya ukuba umwanakashi umusuma...Kabili ena mwanakashi waupwa, alikwata no mwana. Kabili ulya mwanakashi umunono afumine palya. U m-...umwaume aishile mu musebo ukwisa mukubombako incito shimo, kabili uyu namayo munono afumine palya pamo nabena nafwala ifyakufwala fyakale ifinono ifya ikata, cali icabipisha.

¹⁶⁸ Ukukulanda kwabipa pa Bushiku bwa ba Mayo. Lelo, munyina wandi, leka ine nkwebepo icintu cimo. Mayo, bwelelamo nokuba mayo nakabili!

¹⁶⁹ Nangufye ku mulumendo umunono ulya uwatandalile abena mupalamano besu, ashile nokutweba palwa ico, atile "Lolesheni kulya kwine."

Natile, "Ukuba, cilya tacili nangu cimo."

¹⁷⁰ Umwanakashi ena mwanakashi umusuma. Ine nshilelanda ukutila ena alisulwa. Lelo, icintu cilipo cakutila, kwaliba uwabipa, uwatapa umupashi pali ena, uumulenga ena ukucita cilya, kabili nokwishiba ena taishiba ico.

¹⁷¹ Cinshi ico mwisonde mayo engafwaya, nangula umuntu onse, ukufwala filya ifinono ifyakufwala fyalamba, kabili nokulameka pakwenda palwabo ukulailanga ku baumwe? Iwe waliemba, nkashi. Iwe waliemba, mayo. Ine ndetotela Lesa pali iwe. Lelo, iwe walyemba, lelo iwe tawakwata Mupashi wa Mushilo apo uwakucingilila imibele yawama iyo, ngacaliweme ngacakutila walifye umubi nganshi takwali nokuba umo uwakulolehsha pali iwe, kabili waya ku Muulu. Ico nacilungama. Ico e cine. Mona pafyo iwe ucita; iyo imibele.

¹⁷² Nomba, cinshi ico cena, ciwa alisa ingila muli iwe kabili alyeba abantu ifi fintu. Ena alingila namuli bakashimikila; ena alaibika icakumwenako ukuba nga Hollywood. Abakashana naba mayo imisepela, bena baibika icakumwenako nga Hollywood. Ifintu ifyawamisha ifyo bakwata mu calo ilelo, ifya mibele yabipisha iyo imwe mwingomfwa, ilalandwapo; napa cilimba.

¹⁷³ Umwanakashi mukalamba kwati nga Misisi Kay Starr, nshikwete cimo icabipa pali ena; lelo ukumona umwanakashi umukalamba, uwa myaka amakumi yasano iyakufwayalwa, nafimbipo, Kabili nefyakufwala fyakwe ifyapimpuka pali

ena, kwati bamupongolwelamofye nga mwisaka lya bunga. Nshilelanda ici ngecakusekesha, pantu Ine ndelanda ukulola kulli ifyo fintu. Lelo umwanakashi ukucita ifyaba kwati ngefyo, kabili nokwiminina ukuba icakumwenako ku misepela abanakashi abena America, cena ninkongole ku calo cesu. Iyo ni ciwa.

¹⁷⁴ Abalumendo kwati nga Arthur Godfrey na bonse abalebutauka pano, balecita ifintu filya bena bacita, kabili abantu bamo abaishibikwa mu calo kwati ngefyo, kabili, mulandu nshi, cena cansoni.

¹⁷⁵ Alleluya! Landeni ico pantu Ndeumfwa Mupashi wa Mushilo ali pano. Ukwingililwa epo kuli, kulepitafye ukufuma ing'anda ne ng'anda, ukufuma incende ne ncende, ukufuma ichalichi ne chalichi, ukufuma umuntu no muntu.

¹⁷⁶ Mwe bana, mwi Shina lyakwa Yesu Kristu, imeni pamo nemibele iisuma iya kupuputulwa kabili na Shikulu Yesu Kristu, kabili nokutila, "Ine nalabula inshila nabanono abakwa Shikulu abasulwa." Ee, mukwai. "Ine nalaba nyina umutuntulu." "Nalaba wishi umutuntulu."

Lintu isonde lyonse, na bonse ukushinguluka,
fyonse ifishingulwike umweo wandi
fyafumapo,
Nomba Ena esubilo lyandi nokwikala.

Pantu pali Kristu, Ilibwe lya maka, Ine epo
naiminina;
Onse umushili uwashala mucanga uletotobela,
Umushili umbi . . .

¹⁷⁷ Cinshi icalengele fyonse ifi fintu? Cinshi icalengele bakapyunga ukucita ngefyo? Cinshi icalengele ba kashimikila ukusesema ubu ubufi kubantu?

¹⁷⁸ Cinshi cena cacitile ifyo, imyaka iyapitapo, icakutila imwe mwe bantu ba Methodisti. . . Lintu umukalamba John Smith abikilwe ku cintamba cakwe, ukushimikila i Mbila nsuma, kabili ashimikile isambililo ilinono ilya ma ora yane. Kabili atile, "Ubwafya ubwa ico buli, ukutila umutima wandi nautobaika." Atile, "Abana abanakashi aba ba Methodisit bena balefwala ne ninda minwe ku minwe yabo."

¹⁷⁹ Kabili, ne leelo, bena nabafwala utuputula kabili ne fyakufwala ifinono ifi shimoneka bwino. Kabili bena bali nokubafye abapwililika ukuba ubwamba, mu myaka imbi isano iili nokukonkapo, nga cakutila icintu nangu cimo tacitilwepo. Cinshi icacitike kuli imwe bakashimikila aba mu Methodisti, imwe mwebakwa Campbell, imwe ba Baptisti? Ee, mukwai. Ena ni ciwa, aliposa amaka yakwe, kabili alibula nabakalwila bakwe ukubatuma pano.

180 Kabili imwe tamwiluka ico, imwe ukulapepa imishanga, imwe mwe banakashi, kabili nokucita ifyo mulecita kulya, kabili ukulakolwa kolwa nokutwalililapo munshila imwe mulecitolamo. Imwe tamuleiluka ukutila mulebika sumu mu mibombele yenu, kabili nokonaula inkulo shonse isho ishili nokukonka imwe, nga cakutila kwaba icintu camusango ngefyo. Eite-faifi pesenti kuli inshita iikalamba iyakukwata ipwalonda, ukupitila mukupepa imishanga, kabili imwe mukwishiba mulayamo muli fyena. Nama chalichi yalasuminisha ifyo.

181 Mu chalichi icikalamba icaba Baptisti, pano pene fye, nomba linefye. . . Ndeumaula pali ba Baptisti. Ninkwata insambu kuli ico; bena bashintililafye kulubali luntu Nafumako. Lelo lintu bena bapelepo inshita pakati ka mulimo we sukulu lyapa Mulungu nomulimo wakushimikila, pakutila kakumba na bonse baya panse mukupepa fwaka, kabili mumusebo mwananteme abanakashi abalepepa imishanga. Ciwa ewacitile ico. Ico nacilungama.

182 Nomba, muno mu musumba wesu, umo pali bakapyunga abaishibikwa, muno mwine mu New Albany, pano pacibansa cakwangalilapo, ulya umo kapyunga uwaishibikwa uwa mu musumba euletantinka ubutantiko bwamishanine, ukwakuleta abaume na banakashi pa fintamba.

183 Nshilesakamana ico isonde lingalanda, Nshilesakamana ifyo iwe wingesha ukongola abakwisa kuli ico; munyina, takwaba umuntu umwaume uwingafwaya ukuya kumukashi wa muntu umo, nokumfwa cimo cine. Namwishiba ukutila ico e cine.

184 Bena balisenda abanakashi besu, no kubafula; mulya mwine muma ofeshi, nokulaensha tumotoka utuma taxi, ukulaya uku noku mumisebo. Apo bena bafwile ukuba pa ng'anda, bali pacitofu balepika, nokulapekanya ifyakulya fya munshita ya cungulo bushiku.

185 Cinshi ico cena? Cena ni ciwa. Ukwingilila epo kuli. Ine nshilelandapo nangu cimo palwa *uyu* muntu umo nangu *ulya* umuntu. Ndelanda ukutila yena mipashi iya kowela iyo ileikatilila pa bantu, ukubatwala muli cilya. Ukwingililwa ukwa United States.

186 Ukucinfya ukwa chalichi. Ichalichi nacicimfiwa kuli ciwa. Kulya kunuma. . .

187 Bena babula umulumendo kulya nomba, lintu aisa ku seminale, icintu icakubalilapo ico afwile ukusambilila fyakukwata ama digri. Ena afwile abula ifyakwishiba amano. Afwile abula ifya mipepele ya mapepo. Afwile ukulafundisha, nokubula imisango ya fintu iyabikwa muli ena. Nga cakutila ena takwata amasambililo ayasuma ayatuntulu, nga cakutila ena taba uwacenjela kabili uwa mano ngefyo ena engaba, nomba bena bali nokumutamfya ukufuma; ena ninshi tali uwalinga. Cinshi ico afwile acita? Kuya palya nokupela ukulanda ukunono

ukwa fikansa fya calo, nga fintu cena cali, ukulanda ifikansa fya cali mu chalichi, kwi bumba lya bantu, ibumba ilikalamba ilya balefwa abaume na banakashi.

¹⁸⁸ O mwe Lesa, tutumineni abakale, abaume abashaishiba A ukufuma kuli B abo abaishibafye amaka aya kubuka aya kwa Shikulu Yesu Kristu, abo abali no kushimikila ukulapila, kabili ukutuma abaume na banakashi ku cipailo, ukutemwa Shikulu Yesu Kristu. [Pali tepu tapali amashiwi—Kale.]

¹⁸⁹ Cena ninkongole. Ena alingila mu maseminale. Ena alingila mu ma chalichi. Ena alifula abanakashi besu. Ena alifisha abaume besu pa ncende apo teti ubebe icintu nangu cimo. Kabili abaume na banakashi, Ndetontontanya. . .

¹⁹⁰ Iwe watila, “Ukuba, abanakashi.” Ee, kabili imwe mwe baume mwebenga suminisha abakashi benu ukucita ico, ico cilelangisha ukutila imwe mwapangwa ukufuma. Ico cili bwino bwino fye. Icine cine. Cena cansoni. Cena cabulanda.

¹⁹¹ Kabili nomba nokufika kuli kashimikila. Kashimikila aiminina ku cintamba, ileelo, icintamba ica nomba. Aiminina mulya, na bantu bakwe ku cinso cakwe, no kushimikila palwa cintu conse icinono icakale mwisonde ukulundako kukulapila no lubembu, kabili necapindama icalubana icakwa Kristu. Ee.

¹⁹² Lintu iwe wabika ifikomo panshi; abantu bali nokwisa mukumfwa iwe, mu mulimo wakusabankanya ukwa nsuma yobe. Iwe uleesha ukufika ku cintu no kushimikila i Mbila nsuma, no kulenga abantu ukulapila kabili nokutila baba abalungama. Bena bali nokuya kabili nokufuma, bena “Tekuti bomfwe Cena.” Iyo, tekuti. Lelo, mweba bwananyina, bena bali nokulapila nangu ukufwa.

¹⁹³ Ingulu! Imwe kabiyeni ku sukuulu; yena yalingilila ama sukuulu. Lolesheni uku noku, mulya monse mu calo ileelo. Lolesheni pano, imwe mwe bantu, imwe ba Protestanti. Lolesheni, kuliko ama sukuulu yane ayakalamba aya ba Katolika ne fintu, ifyakulwa ileelo. Mulandu nshi cenaabela ifi? Mulelekelako amafunde.

¹⁹⁴ Tapali nangu cimo icakususha ba Katolika, nangu Ine nshacetekela muli cena. Ine nabafye mukukonka Protestanti. Ico nacilungama bwino bwino. Kuti cashininkishiwa ukutila bena taba. . . Imwe teti mupashanye pamo na bena. Bena batila, “Ifwe tatusakamana ico Baibele yalanda. Ifwe twaishiba ifyo ichalichi calanda.”

¹⁹⁵ Lesa aba mu Cebo Cakwe. *Apa* epo Lesa afika.

¹⁹⁶ Lelo bamo ba Katolika, ukwikatihilafye ku chalichi cabo, kuti bakulengafye iwe ukuba uwasoni palobe we mwine, nga Protestanti. Nga cakutila fye imwe waimininafye pali Baibele, ilyo bena baleiminina pa chalichi cabo. Nacilungama. Lelo, bena

bali balilufyanya. Ine ndelanda ico pesamba ya maka yakwa Lesa uwa Maka yonse, ukuti, bena balilufyanya. Mukupwililika.

¹⁹⁷ Kabili naimwe ba Protestanti mwalilufyanya, umusango imwe mulecitolamo, pantu imwe icine cine mwalishiba icisuma, kabili imwe mulacicita cena. Ico cilefumyafye bu myalu myalu muli imwe. Icline cine, cena kwingililwa; ama chalichi ukulekelako. Kabili nomba mucifulo ca . . .

¹⁹⁸ Ichalichi, ukwasha ukupanga ichalichi icisuma, ukukula ichalichi icikalamba, ukubikapo ifyasonta mu muulu pali cena, nefilimba ifikalamba, kabili nokubula ifintu fyonse ukwasha ukulinganya kwati chalichi ca Katolika. Imwe tamulefwaya ukupashanya kwati nge chalichi ca Katolika, kwati cena cintu caonaika icileya ku bonaushi. Pantu, ifyo EFYA SOSA SHIKULU, ena naonaika ukuya kubonaushi. Kabili iwe uleipashanya ukuba nga ena, iwe uleya pamo na ena.

¹⁹⁹ Lelo ico tulekabila ileelo, te chalichi icikalamba, icasonta mu muulu icikalamba, fyena fipailo ifyakale apo imembu shocewa, pesamba ya mapepo yakuipelesha ukufuma ku baume na banakashi abo abatemwa Shikulu Yesu Kristu. Imwe mwalishiba ico. Ico eco tulekabila. Umfweni kuli ine, ba cibusa. Umfweni ine. Cena kutemwa.

²⁰⁰ Inshita yandi naipwa. Ine kuti nafwayafye ukukokola pali ico, apo, fye, Ine ndi nokwisa cibula palya kuntanshiko panono, kulya ukwingililwa, uko cena caile. Cena nacingilila. Cena nacingilila ifyalo fyesu. Cena nacingilila United States.

²⁰¹ Nomba ibukisheni, Nshatala salapo mu mweo wandi; mwamona, nomba, cilya tacili nangu cimo icakulandapo; ico ninsambu shacifyalilwa ishaa ci America nga Ndefwaya ukucicita. Lelo Ndetontonkanya abengi nganshi abanandi, ukubabika mulya. Lolesheni, Nalibamona ukuyamo nga bantu abasuma, ukufumamo nge fipondo, kabili Nshilefwaya ico.

²⁰² Ninkwata icintu cimo. Ndekula icintamaba ca Muntu umo Uyo uuli Keminina, kabili uyo ni Yesu Kristu, kabili Enafye eka. Ndepela inshita yandi kuli Ena. Ico cishinka. Kabili nga kuti Nalenga ichalichi calungamikwa, isonde lyonse likaisakamana iline. Ico nacilungama.

²⁰³ Lelo lekeni mwebe, ilyo Mista Roosevelt . . . Umuntu nafwa. Lekeni atushe; Ndesubila eflyo ali. Iseni, nokubutukilamo imiku itatu nangu ine, kabili nokwisabapo, lucufye ulutuntulu. Kuti nashininkisha kuli imwe, ukutila mu Malembo, umo Yena yatila cikacitika. Ico cishinka. Tatwakwata ulupapulo ulwabapo. Balilutobaula mutupimfya. Fyonse fyalilamba. Ama Republicanani nabo babipafye cimo cine. Ni mutanda pali umo, kabili citika wa dazeni wa balya bambi.

²⁰⁴ Pantu, ubufumu bonse bukashonaulwa, lelo Ubufumu bwakwa Yesu Kristu bukeminina no kuteka umuyayaya. Ico nacilungama. Pali . . . Daniele amwene Icilibwe ica putulwa

ukufuma ku mpili, no kupuma icalo cafikansa fya calo kunuma kulya no kucishonaula ukuba ubunga nga filya, kwati ni ngano pa cipulilo ca nshita ya lusuba. Lelo cilya Cilibwe caishilekula nokuba luupili ulukalamba ulo lwasalangene pa mulu wa muu- . . . lwaiswile imyulu yonse ne sonde. Efyo cili.

²⁰⁵ Icalo cafikansa fyacalo na ciya. Icalo cesu na citobaulwa. Muleibukisha ukutila, ulya Munyina Branham asosele ukutila, EFYA SOSA SHIKULU. Icalo cesu naconaika. Tacakale ima. Cena naciya, nga fyonse ifyalo. Cena calo icikalamba nganshi mwisonde, ukwiminina ileelo, lelo lwena lubuto lwine ulwa kwa ciwa nalubyalwa mu mitima ya bantu; ifyo caishile mu Hollywood, ifyo caishile fuma mu bantu, kabili no kutendeka kuli *ici*. Kabili tekuti mubebe nangu cimo.

²⁰⁶ Buleni Kateka kulya lubali uyo uli nokweshwa ukwisala ubwalwa bwa whiskey, nomba no kukwata ifya kukanya, ukumona ico cingacitika. Ena kuti alaswa, muma ora yabili panuma yakwingila mulya. Mucine, ena tekuti eminine nacena; isonde lyonse lilemususha. Ee, mukwai. Imwe tekuti mucicite.

²⁰⁷ Cena caliya. Cena calingililwa, kabili umupashi wa communisim naucimfya.

²⁰⁸ Nga mwaya ku masukulu yesu ileelo, lolesheni abana besukulu besu. Abana besu abanono abaya ku sukulu, imwe mulingile fye ukwishiba ico icicitika. Abakashana abanono kuno mu masukulu, ne fintu nga filya, pa myaka ikumi limo na ine kabili ikumi limo na isano, ba nyinabobalibatumine ku sukulu, imisango yaonaika, mumano, ababipa ababomfya fimiti, abaonaika kufimiti, fwaka, bakapepa ba fwakw, fyonse ifyashala nga filya; pa myaka iinono, abana abanono nga filya. Kuti caba icakosa ukusanga nacisungu pali bamo pali bena ngefyo cingaba icakosa ukusanga inyeleti mumupili wacani, ilyo baleya mukukumana nabalumendo mumalangeti, nokulambalala palulamba wa fimana nakonse ukwashala.

²⁰⁹ Kabili kuti Nacishininkisha kuli imwe, mwe banandi. Ine tekuti nsose cena mucintamba kano fye Naishiba ico Ndelandapo. Kuma sukulu muno mwine mumwesu—mumwesu mufyalo, pakufwala kwa aba abanono abakashana, tabaishiba. . . ukweba ba nyinabo ukutila baleya kuncende isha pusana pusana, nokukumanya abalumendo nabucilende pamisebo ya Louisville (Bushe cinshi ico?), nokwimba muli bakemba.

²¹⁰ Pantu, balikwata i Mbila nsuma inono iyakale iya mangalo iyaiminina kulya, uko bakashimikila beminina nokulanda patuntu utunono utwacepesha, ne mitontonkanishishe inono iya muli Baibele, nangu icintu cimo icapala ico, mucifulo cakushimikila ukulapila nokuleta abaume na banakashi ku cipailo.

211 Ba wishu baingila munshita yabushiku nokwasha fwaka iitali, babula ikalashi lya bwalwa, nokwikala nokunwa. Nyina nafuma, akasuba konse, nebumba lya banamayo bamo kumalila yafitupa, ukukumana pamo ngefyo. Kuti mwasubila shani umwana ukuba icintu cimbi?

212 Moneni, pacifulo conse epo mwikala, ifyo efyo mwaba.

213 Nga mwasenda umukashana umunono, umulumendo umunono, ukubabika kuno, lekeni ekale no muntu umo. Mukasende umuntu, kuti Nasenda umulumendo wandi, lekeni abe kunse ubushiku no muntu umo; lekeni njingile, kuli lyonse Namyeba uo aciba nao. Mucine. Moneni, pa cifulo cilya, ulyo mupashi ukamwikata.

214 Imwe nga mwaya muchalichi, umo abantu bonse . . . mukaye mu ma chalichi ya Mupashi wa Mushilo, nangu—nangu ama chalichi yaba Pentecosti, efyo beta ico. Lekeni bonse babe . . . Oh, bena balabutuka no kusunkanya imitwe yabo kunuma na kuntanshi, ifyo kakumba acita; lolesheni ichalichi conse catendeke ukucita icintu cimo cine. Lekeni abaume, abantu, baye pa mulu kabili—kabili ukutwalilila fye ububi, nangu icintu cimo cimbi; lolesheni icintu conse ukucita cilya. Kabiyeni mu ncende uko kacema aba uwatalama nganshi kabili uwatalala; moneni ibumba lyonse licita ico. Mwise mucifulo cilya.

215 Buleni umwaume uwaba umuntu wamisango iisuma, kabili lekeni ope namayo umukote uo teti mulipililepo nangu ngwee; tacakapose inshita nao ninshi aba umuntu uo teti mulipililepo nangu ngwee. Ico ecacitike kuli Ahabu. Buleni cimo cine nokucipilibula, lekeni umusuma namayo umunono opwe kumukote uo teti muposelepo nangu ngwee; icintu cakubalilapo ico mwalaishiba, ena alecita icintu cimo cine uyo aba.

216 Kuti Naya shani, muno lucelo, no kusonta amaboko yandi patumayanda utunono utwaonaika kabili nefintu ifyaba nga filya, ilyo abasuma abanono ba nacifyashi, besa kuli bataata abanwa, nefintu ifyaba ngefyo, kabili ukutontonkanya ukutila bena kuti bacita icintu cimo pamo nankwe, kabili nomba nyina onse ulya kabili nabonse balenwa nokutwalilila. Cena cifulo.

217 Cena ni cinshi? Cena ni ciwa. Cena ni ciwa, ukwingililwa. Ena alipita muli cino calo, nge nkalamo ilebuluma. Aibikile umwine panshi pano mu ncende iya wamisha iyo bakwete, mu Hollywood. Atile, “Kuti Nasenda ubunkolanya pano mpaka icitunshi tunshi cikafike, lyena Nkaya mukubasenda.” Kabili ena naikala palya.

218 Kabili abantu bamu chalichi, mucifulo cakwisala amangalo kabili ukukanaleka abana babo ukuyako, babapela amacenti ikumi limo pa Mulungu icungulo nokubatuma kulya, eico kuti bakwatako ukukumana kwamalila yacitupa, ukuya abene beka nokwendauka. Oh, ifyo caba ica musebanya. Nomba bena

bashafye icitunshi tunshi kabili moneni fyonse ifya fiko, ifyabola ifyabola ifyaba mwisonde, pali cena. Ico nacilungama.

219 Nshakwata icakususha nobunkolanya. Nshakwata icakususha necitunshi tunshi. Fintu fyabola ifisangwapo. Ifyo eflyo caba. Nga kuti mwacisunga ica mibele isuma, cifwile ukuba ica mibele isuma.

220 Imwe tekuti mushitische ne nsapato sha mafashoni ayakale muno mu musumba, ileelo, nakalya. Abanakashi tabashifwaya. Bena balefwaya utukondo tulefuma muli shena. Bonse abanakashi abashala balecicita. Ico nacilungama.

221 Nga mwaya ku chalichi, teti mushitische bukapepa bwa nshita ya kale, pantu, umwanakashi umbi, ena talefwaya, iyo, talefwaya icakucitapo na cilya. Iyo, mukwai. “Takuli umulandu ningela kulya. Ine nacetekela fye, filya eflyonse ifyabako kuli cena.” Oh, munyina, ciwa alicetekela, pamo. Cisuma. Imwe muli no kulapila nga teifyo konaika.

222 Nomba, munjeleleko; iyo, Nshili. Iyo, Nshili. Iyo, Nabweshaci. Nalitemwa abantu. Lelo Na—Na—Na—Na limitemwa nganshi ukumona imwe mulaya mukuponenamo nga filya. Lesa nga asuminisha, Nkasenda ici pantanshiko panono mu mulungu.

223 Nomba, kuli imwe bamayo abo ababa bamayo, ishiwi fye kuli imwe ilyo tatulaya. Lesa amupale. Mulekusha abana benu munshila yalungama.

224 Tuli nokubula uku kwingililwa; tulingile ukuya mu mayanda na nomba, kabili incende ishingi, amasukulu, kabili kunse mu ncende nacena. Tuli no kucisenda.

225 Lelo, ukwingililwa kwa United States, ciwa aleteka. Mwitina Russia. Russia takwete nangu cimo ica kucita. Tulecicita fwebene, ukubola kwesu fwebene pakati kesu. Ico nacilungama.

226 Namwishiba, United States alikwata abakulekana abengi ukucila isonde lyonse ilyashala? Ukulekana ukwingi; tontonkanyeni pali cena. Cilya icabipisha? Bunacifyashi na butobwa. Banacifyashi tabekala ku ng’anda nakabili nabana babo, ngefyo balecicita. Balingile ukukwata umulimo.

227 Kuno ubushiku bumbi, umwaume umo uwafya kubomfya muli uno musumba, alelanda kuli ine palwa cena. Aba banakashi ukubomba mumacito yakupangilamo ifintu aya cintu bwingi, aba banamayo abaupwa nebumba lya bana banono. Bena balikwata abasunga utunya twabo. Bena balabomba muli ishi ncende sha cintubwingi. Atile, “Kwali babili abaiminine kulya, ilyo babeminike, pa milimo yabo iya cintu bwingi, atile, “Wisakamana. Twalacicita, ifyo fine.”

228 Oh, we ora wabucilende we buliko. Mucine. Ciwa ali beba ukutila bena e bakalamba wa ng’anda. Bena bakapanga

indalama shabo. Bakacita ifyo balefwaya ukucita. Kabili mukacifumya muli bona, nga kuti mwacita.

229 Kwaba fye icintu cimo icinga cifumya muli bona, cilya e cipailo, ku cinsu cakwa Yesu Kristu, ubwamafashioni yakale, ifilamba ukukonkoloka bukapepa ubwinda tobaula imitima yabo nokuiwandaula mutupimfya, no kubalenga ifyo balingile ukuba. Ico nacilungama.

230 Bona kuti batontonkanya ukutula Ndifye uwa mibele yakale. Lelo ubushiku ilyo ulefwa, munyine, nkashi, iwe walailuka ukutula Nalikwebele Icine. Ico nacilungama.

231 Ena epo ali, pakwingililwa, inshita naifika. Nomba, nomba, ee, inshita yakusala, pamo, ora yakusala; te kwisa ku chalichi, lelo ni ora iyakusala nga cakutula muli nokubombela Kristu nangu ikaleni aba cifulefule muchalichi cenu. Kabili ico nacilungama.

232 Kwaliba ba membala abengi aba muchalichi. Nga cakuti fyonse ifya-. . . nangu abantu abena America abalumbula ukuba abena Kristu, kuti baba abena Kristu abacine, abena Kristu abafyalwa cipya cipya, munyina, ifwe tukaba abacingililwa ngefyo imwe mwingaba mu Muulu, mupepi, ukufuma kubulwi namafya, ee, mukwai, amalwele yakafuma mucalo, fyonse ifyashala.

233 Bushe teti cibe icisuma ukwisa mu musebo nokumona uko namayo aishile, no mwaume, “Uli shani, nkashi? Mwashibukeni, munyina”? Enda, tapali. . . Imwe tamukwete ukusakamana kumo mwisonde. Ifintu fyonse fyaba fye ifisuma kabili ifyawamisha. Kabili umulumendo aisa mumunshoko ya musebo; mucifulo cakukupunka, ena kuti aiminina nokutula, “Cisuma, munyina. Cisuma, iwe walikwete. . . Oh, iwe ku ntanshi yandi,” mwamona, ukusalapofye fye. . . Bushe cilya teti cibe icisuma? [Ulukuta lwatila, “Ameni.”—Kale.] Ifwe tuli nokucikwata, lelo cilya ni mu myaka Ikana limo, munyina. Ubushiku buleisa fye. Ico nacilungama. Eico nomba ifwe tatuli. . .

234 Naliminine mubena mupalamano besu, kuno ubushiku bumbi; takuli nangu cimo ukususha abena mupalamano, lelo Namene abana besu abanono. Umukashi alelila. Dokota umo uwa muno musumba, umukashana wakwe umunono alenda enda no mukashana wandi umunono, kabili bona balitemwana umo no mubiye; mpaka basangile ukutula ishina lyakwe lyali ni Branham, kabili ena ali umwana wakwa Shimapepo Branham. Cilya ecapwishishe fyonse. Umukashana umunono tekuti aye no mukashana wandi umunono nakabili. “Owe,” Natontonkenye ukutula, “ukuba, cilifye bwino.”

235 Bamo abena mupalamano abanono babutukile kulya, batile, “Ukuba, califye bwino.” Eico, balile kuli kakumba wabo. Mwinjeba. Namwishiba, Na—Nalikwata inshila iya kwishiba ifintu ifingi, mwamona. Eico bona—bona baile

kuli kakumba wabo, kabili batile, “Namwishiba, kwalibako umuntu umwinamupalamano wesu, aba umusuma nganshi ku bana besu.” Atile, “Ni Shimapepo Branham. Ena alabasenda, ukubaenda muli motoka yakwe iyinono iyakale, nokubasenda mukwangala.”

²³⁶ Atile, “Ukuba, uh, *Ahem!* Ifwe tatwawkwata nangu cimo ica kususha Shimapepo Branham. Ena ali fye bwino, lelo, mwamona, ena aba fye ibumba ilyapusana ilya bantu ukucila ifyo twaba.” Ee. “Ifwe, Ine–Ine kuti waba nga . . . namwishiba, Ine tekuti mbe nga . . . Mulelanda nabena, nokuba bwino, lelo lekeni fye cilya cibe mpela.”

²³⁷ Oh, munyina! Umukashi wandi aliminine kulya, alelila. Natile, “We mutemwikwa, mulongo wakupatukanya. Nga ine ne ng’anda yandi, tuli no kubombela Shikulu.”

²³⁸ Nangula isonde lyonse lilefilwa ukushipikisha; ni Yesu Kristu fye! Nga Ndi nokwitwa ishilu, nga Ndi no kukanwa kuli balu- . . . abantu bandi, ne fintu nga filya, Ine nalyo line ndi nokusala Yesu Kristu. Ikateni kukuboko kwakwa Lesa ukushicinja. Ilyo ifibusa fya mwisonde fyakukana, palama nganshi kuli Ena. Ikatilileni kuli Ena.

²³⁹ Lesa, lekeni nshimikile nge fyo Nshatala shimikilapo. Lekeni nshimikile kubantu abalefwa, ngo muntu uwalefwa, nemwine. Lekeni nshimikile ku bantu ngefyo Nshakatale ukukwata imbila naimbi kukushimikila. Lekeni mbalombe ukwisa ku cipailo, nokupongoloka, ifinso fya filamba; babwelelemo ku ng’anda no kwikala nga bena Kristu, nokwikala mu bena mupalamano babo. Lekeni fyonse ifi ifyamangalo nokulabutauka, nokutolauka nokutwalilila; no kulabomba muli *uyu* musango, no kulapupa pa mulu pali *ici*, kabili ukuya *ulya* musango. Oh, mwiciteco. Ulya ni ciwa. Ilye mipashi iya ngulu ilesa pa bena Kristu.

²⁴⁰ Ibukisheni, balya bakapyunga kulya lubali, bena bali ni balya bakasesema. Bena bali ni bakasesema. Bena bali abaume bakapepa balepela ilambo. Bali fye bakapepa nga bakasambilisha ba buno bushiku, lelo, munyina, bali ukutali nganshi ku kwishiba icine.

²⁴¹ Bushe tamulemona ifyo ciwa aba uwa bukapepa? Kasebanya te munkanya-, icintu icikalamba icikulu nga communism, bonse ukukanya ubwina Kristu. Cilya tacili. Cilya cili, oh, ukuba, cakwa ciwa, mucine, lelo cena te munkanyakristu. Munkanyakristu aba ni kapepa nganshi, uwa bukapepa nganshi. Cali umupashi wa bukapepa uyo watanike Yesu. Cena lyonse caba isonde lya bukapepa, abantu bakapepa, abo abatanika. Bantu bakapepa abo abasusha Kristu uwacine. Cali ni bakasesema aba bukapepa abo abasusishe Mikaya. Bantu bakapepa aba buno bushiku abo abasusha i Mbila yakwa Lesa.

²⁴² Ibukisheni, Ni misoka. Nimyeba. Nshilelanda sana pali bu Katolika, na Baptisti na Methodisti; Ndelanda pa bantu ababa abantu bamushilo, pano pene pamulongo pano. Lolesheni pali cena ileelo, ifyo caisa ciluka nokwiminina mu bwangalo. Oh, owe. Ine kuti naya muli cena, inshita imo. Kabili umutima wandi ulalepuka mukati kandi.

²⁴³ Ukwiminina palya na banjo wakale, ndetongola ulya banjo wakale, kabili ukulisha kansango nga filya, “Bushe uyu ni kacema wa ng’ombe shakuTexas *Kampanda-na-kampanda?*” Nshakwata icintu nangu cimo icakususha ulya muntu; lelo ico camuli ilyo isonde kunge kulya. Ico nacilungama. Kuti natemwa ukwiminina, munyina, ukwabula nangu cimo, apashili nangu cimo, lelo ukwiminina fye no kwimya amaboko yandi nokutila, “Yesu, ni ku kalbale.” Ee, mukwai.

Uwaipelesha, Nkashipikisha,
Mpaka imfwa ikandubule,
Nomba nkaya ku Ng’anda nkafwale icilongwe,
Pantu kuli icilongwe candi ine.

²⁴⁴ Kuli imwe ba nacifyashi abanono muno muno lucelo, abo ababa banacifyashi abene bene, kabili Ninjishiba kuliko abengi muli imwe; Ndetontokanya, cila umo muli imwe. Leken i mwebe icintu cimo. Lesa amupale. Imwe muli i Mbila nsuma ya cisano, Ndetontokanya. Leken i mwebe ifyo nomba ku bana benu, icintu fye icinono. Pantu, Munyina Neville nalimo ali no kushimikila pali i . . . palwa ba mayo muno bushiku, nangu uyo onse, umo muli ifwe uyo ushimikila, cilifye bwino, palwa kwa nyina. Lelo, kutikeni, leken i mwipushe icintu cimo.

²⁴⁵ Ibukisheni, ilyo Mose ali umulumendo umunono, cali ni nyina uyo wa mupele ukulondolola kwakwe. Cali ni nyina wa bulesa uwasendele Mose umunono pa makufi yakwe, kabili atile, “Mose,” alimusambilishe bonse. Ali ni kasambilisha wakwe, nangu, ali ni kasambilisha wakwe, ntile, kuli Farao, kabili atile, “Nomba, ifi fintu,” atile, “Mose, ubushiku bumo ukapokolola abana ba Israeli. Iwe uli mulumendo uyo waitwa. Isungeni abula akabi kabili ababula itoni ukufuma kucalo, pantu niwe. Niwe.”

²⁴⁶ Takuli incende imbi iyo twaishiba, uko atalileyapo ku seminali ili yonse, ukusambilisha ukuli konse, uko atalile akwata. Aikele mulya mwine mwisano lyakwa Farao, uyo uwali umusenshi; lelo nyina ali musambilishe. Ulya ni nacifyashi umwine mwine. Ena ali musambilishe amapange yakwa Shikulu. Ena alimwebele ifyo ena alingile ukuba uwa mushilo. Amwebele ifyo aali kabili ifyo aali nokwikala kabili nefyo alingile ukuba no mweo, kabili nefyo, ifyo Lesa alingile ukucita, kuti amucitila. Kabili cena calikala na Mose inshiku shonse isha mweo wakwe.

²⁴⁷ Kabili uuli onse umusuma, uwa cine, nyina uwa cumfwila uyo uli nokusenda utunya twakwe utunono, mu cifulo cabatuma

ku cikope cilangisha nokushana, kabili nafimbipo nga filya, kabili ali nokubabika pa molu yakwe no kubasambilisha palwa kwa Shikulu Yesu Kristu.

²⁴⁸ Kuno ubushiku bumbi, Nalelanda kuli nacifyashi pali lamya. Kabili nyina atile, “Oh, Munyina Billy,” atile, “umulumendo wandi umubusu ali mubwafya.” Atile, “Oh, ifyo bwafya akwata.”

²⁴⁹ Natile, “Ee, Ninjishiba palwa cena, nkashi, mutemwikwa.” Kabili atile, “Ena limbi kuti aba mucilubo. Nshishibe.” Atile, “Umo asosa *ici* kabili umo asosa *cilya*. Nshishibe. Lelo,” atile, “te mulandu nga cakutila ali mucilubo nangu icalungama, Nalimutemwa.” Mwachimone co, “Nalimutemwa.”

²⁵⁰ Atile kuli banyina, atile, “Nalibepwa sana kuli *ici* na *cilya*.” Atile, “Mayo, Nincetekela nimwe mwabapofye abatemwikwa abo Ine nakwata; namayo uwaba uwacishinka kuli ine, kabili muba naine.” Ico citemwiko cakwa nyina. Uyo e nacifyashi umwine mwine uyo uli nokubika amaboko yakwe pa mwana wakwe. Tepamulandu wakuti nalungika nangu nalufyanya, ena alaya mukupwililika. Kabili nga Lesa... Nga nacifyashi kuti atontonkanya ico pa kanya kakwe, cacila pafyo Lesa ali nokutontonkanya cilya pa Cakwe. Mwamona? Imwe ikaleni fye pamo na Ena. Kabiyeni fye bwino.

²⁵¹ Kabili nomba lekeni mwebe pali mayo umbi, bwangu bwangu, muli Baibele, ilyo tatulaisala. Kwaliko nyina uwaleitwa Herodia. Asambilishe umwana wakwe umwanakashi ukushana amasha. Alefwaya ena ukuba uwaishibikwa. Kabili ena alishanine kucinso ca mfumu, nokwisa fwaya umutwe wakwa Yohane Kabatisha. Twalikwata ilyashi ilya ba bana bakwe amakumi cinelubali, abo abashanine kucinso (umwana mwanakashi wakwa Herodias), bashanine kucinso cakwa Herod; amakumi cine lubali abana bakwe, bena bafwile bacilende nangu uko bepaila bakaili.

²⁵² Nyina umo asambilishe uwakwe ifya mwisonde; nyina umbi asambilishe uwakwe ifintu fyakwa Lesa. Umo aishileba intungulushi ikalamba na kacimfya, uushifwa pakati ka bantu ileelo; kabili umbi alikoweshiwa na kumbo, kabili asendele amakana ukufusha paamakana na ena. Mwamona ico Ndepilibula? “Ukukusha umwana mu musango uo alingile ukuya.”

²⁵³ Kabili Ine ndi noluse kuli imwe mwebamayo mwebekele namufwala namaluba yabuta. Kwalibako u Muulu uo nyina ayako, ileelo, uko umusuma mayo wama fashioni yakale uwaikalila Lesa, limbi aliya kunuma yacifimbo. Alelolela iwe ukwisa. Ico nacilungama.

²⁵⁴ Namicindika nokumisumbula mwebafwele amaluba yakashika. Ba nyinenwe, nga mulefwaya ukubacitila icintu icili conse, ciciteni inshiku imyanda itatu na makumi mutanda

na shisano pa mwaka. Kabiye ku ng'anda yakwe no kupela amapepo, no kwikalila Lesa. Cilya e cintu ica kucita. Kabili kushaeni abana benu. Kabili ilyo abana benu baisa, bakamwita "mwapalwa," panuma ilyo mwapita ukuciluka icipembe. Ulya e mupashi wacine uwa bunacifyashi, umupashi wacine uwa bushiku bwaba mayo. ubushiku bwaba Mayo bwaba imyanda itatu na makumi mutanda na shisano pa mwaka.

²⁵⁵ Buno e bushiku bashitisha amaluba nokupela ifyabupe, icalo efyo cicita. Nga bwapita, nga cakuti icalo cikabapo mummyaka amakumi yabili, bakakwata inshiku sha mwana mwaume, inshiku sha mwana mwanakashi, kabili, inshiku sha mufyala, kabili ne nshiku sha ba yama, kabili na fyonse filye fintu nga filya, icalinga fye ukulenga icalo mufyakucebusha ifya makwebo. Kulya eko cileya, ukuya fye ku mbo, na maka nganshi ngefyo cingaya, ku konaulwa.

Lelo, imwe, Lesa amupale, e pepo lyandi. Natupepe.

²⁵⁶ Shifwe uwa mu Myuulu uwa cikuku, ilyo tulelolesha kunuma, muno lucelo, na mano yesu, kunuma kulya, imyaka imyanda iyapitapo, ilyo kulya ukwaiminine Yehoshafati ukwiminina kulya kulubali lwa Mfumu Ahabu. Kabili no Mupashi uunono panshi ya mutima wakwe, uwashelimo Lesa, nangula alipangile icilubo, amwebele, atile, "Ici cilubo. Ici cilubo. Cena te casanguluka. Cena tecamushilo. Kasesema atile ifi fintu tekuti fitwalilile ngefi." Kabili no Mulilo unono uwakwa Lesa walimushibwishe.

²⁵⁷ Elyo kabili Mwakwete umuntu umu uwakwasuka ulyo Mulilo unono, uyo wali ni Mikaya, kasesema uwacine uwakwa Lesa. Nangula limbi aishile nafwala insamu, nangula ena limbi kuti aisa kulya uwasulwa, kabili bonse fye ukulolesha pali ena nge bumba lya mimbulu lilolesha pa mwana wa mpaanga. Lelo alandile icine, nangula atobelwe amapi pacinso, nangula ena ali nokuposwa mu cifungo nokumulisha umukate na menshi ya bulanda. Lelo, nomba, ifyebo ifyo asosele fyaishile fikilishiwa, pantu Imwe mwali pamo nankwe.

²⁵⁸ Lesa, peleni, ileelo, kabili tulelolesha umu muli iyi Baibele. Tulelolesha ku mabuuku yamu chalichi, ifintu ifyayemba, kabili nafimbipo, ifya machalichi, ifyakukonka, no kumona ifyo bacita *ici, ico*, nangu *icibiye*. Lelo lekeni tuloleshe muli ici Cebo ica cine muno, nokumona ifyo Cena cisosa: "Ukwabula umushilo, takuli umuntu uwingamona Shikulu. Konkeni umutende no mushilo, ico, ukwabula, takuli umuntu uwingamona Shikulu. Uyo uwatemwa isonde, nangu ifintu fyesonde, ukutemwa kwa kwa Lesa takwaba muli ena."

²⁵⁹ "Mu nshiku sha kulekelesha inshita ishayafya shikesa. Abantu bakaba abaitemwa abene, abayumfwa, abamataki." Oh, filye fintu ifikalamba, Shikulu, ifyo filecitika. "Bacintalika, abatunikwa, abatemwo kwangala ukucila ukutemwa Lesa;

asambilisha abantu amafunde ya—ya bantu mucifulo camafunde yakwa Lesa; ukukwata imimonekele ya bukapepa, nokukana amaka ya Mupashi wa Mushilo” ukulenga umuntu aisushiwa na Mupashi, ukumulenga alasangalala, ukumulenga ifilamba fyapona mumenso yakwe, ukumulenga aya mukupepela abalwele, ukumulenga alanda mundimi kabili nokwilula, ukumulenga asesema. U Mupashi wakwa Lesa, Lesa uwa mweo, bena ba Cifumishefye mu ng’anda yaku tushishamo nangu icintu cimo icaba ngefyo, “Ukukwata imibele ya bukapepa, lelo ukukana amaka yabuko.”

²⁶⁰ Mwe Lesa, lekeni ili bumba ilinono, pali buno bushiku, shibukeni bwangu bwangu, nomba line, lintu inshita ya mpela tailaisa, kabili nokutusanga muli iyi mibele. Lekeni tube, abaicincimusha fwebene, nga fintu Baibele yatile, “Ima nokuisunkanya wemwine. Kabili ipusha inshila yakale, iyo iyaba inshila iisuma, kabili lintu iwe waisanga, enda muli yena.” Lesa, fikilisheni ukuti twingasanga inshila yakale iya kalabana, ilyo ifwe twingeminina capamo nakabili, nge myanda, nokubika amaboko yesu capamo nokwimba.

Nkasenda inshila nabasulwa abanono abakwa Shikulu.

Nalitampamo na Yesu kabili Ndi nokutwalilila ukupwisha.

Lesa, twafwilisheni ukwikala ico nokuba ico.

²⁶¹ Paleni bonse aba banacifyashi abatemwikwa abekele muno, Shikulu; ukwishiba ukutila bena ni ba nacifyashi, abene beka, namaluba ayabuta ayaabikwa pa makoti yabo, muno lucelo, nge cibukisho ca ba mayo abakale abo abapita ukucila pa cifulo. Mwe Shikulu wa Mweo, bapaleni, Shikulu. Kabili lekeni babe abapalwa, pamo, kabili lekeni ukwibukisha kwabana babo kube nga fintu bena baba nabanyinabo, nga cakuti ena naya ukucila pa cifimbo, ku Muulu ukwa bukata. Cisuminisheni, Shikulu.

²⁶² Kabili ulucelo lumo ilyo umweo ueya ulepwa ukufuma mu mishipa yesu, kabili umupu wesu wafilwa ukwisa kuli ifwe, icifimbo cikesuka; akesa panshi, nalimo, kumpela ya Yolodani, muktuwafwa ukuya. Oh, kuli bulya bushiku ubwa bukata ilyo twatampula amakasa yesu kulya kwishilya, uko ukushakabe...Umwela tawakakoweshiwe ne cushi cafwaka. Takwakatale akuba cakolwa mu musebo. Takwakatale akuba cilende. Takwakatale akubako ulubembu. Takwakatale akubako icintu ica musango ngoyo. Lelo, mumuyayaya wa bukata, bushe tukekala no mutende na Shikulwifwe Yesu Kristu na bana besu. Kabili, oh, we ubushiku ubusuma we.


²⁶³ Mwe Taata, ilyo imfifi iikalamba ilipo, ubulwi, kabili ciwa aleingilila ifyalo, kabili ukwingila mufintamba, ukwingila muma chalichi, ukwingila mubantu, ukwingila mumakwebo, ukwingila mumisumba, namumasukulu namumayanda; Mwe

Lesa, twafwilisheni ukwiminina, ukufumya ulupanga bwangu bwangu no kulwilako Lesa, nga fintu Mose na bena—kabili abena Levi bacitile kulya kwine lintu ulubembu lwali munkambi. Twafweni, Shikulu.

²⁶⁴ Tweleleni nomba, kabili tupaleni. Kabili tusungeni ifwe abapetama, tupatuleni, Shikulu. O mwe Lesa, Mwatile, “Uyo uya, aletanda mu filamba, ukwabula ukutwishika akesa nakabili, alesangalala, ukuleta pamo nankwe imyashi.” O mwe Lesa, tupatuleni mutupimfya. Tubumbeni, cipya cipya, Shikulu. Ifwe tulefuma mu nshila ngansh.

²⁶⁵ Ine ndi, nemwine palwandi, Shikulu, Ndefika pancende epo Ndetontonkanya pampenwa ya bantu abakasangwako ku musonkano wandi. O mwe Lesa, Ndefwaya ukuti Imwe mukuyeko. Iseni, Shikulu! O mwe Kristu, iseni Shikulu! Ntobauleni; mumbeni cipya cipya. O mwe Shikulu, mwiesha, mwileka ine nsende filya fintu mumano yandi. Lesa, fisungeni ukufuma kuli ine.

²⁶⁶ Ngafwilisheni, Shikulu, ukushimikila, ngefyo Nacisosa, inshita yapitapo, ngo mwaume uulefwa ku bantu abalefwa, ukwishiba ukutila bonse tufwile twalolenkana no Muyayaya. Ifwe tufwile twaiminina kuli Imwe; ilyo Imwe tamuli mumibele Yenu iyansansa, ilyo Imwe tamuli noluse, ilyo Imwe mwiminine ukwabula uluse; ilyo Mwiminine, namukalipa, ukuleta ubupingushi pafyalo kabili abantu abo abakana no kukana ukutemwa kwa Mwana Wenu.

²⁶⁷ Lesa, mpeni uluse pamo Nankwe ileelo, ukutila muli bulya Bushiku kuti Naiminina ukushininkishiwa. Limbi kuti twalila nomba, lelo Imwe muli no kucifumyapo, kukusangalala, pali ilya nshita, ilyo Imwe mwasosa, “Ingileni mu nsansa shakwa Shikulu, isho shateyanishiwe kuli imwe ilyo umufula we sonde taulalengwa.” Lesa, beni naifwe nomba, kabili twafweni, twapepa, mwi Shina lyakwa Yesu. Amenii. 

UKWINGILILWA KWA UNITED STATES BEM54-0509
(The Invasion Of The United States)

Iyi Mbila na Munyina William Marrion Branham yaletelwe intendekelo mu Cingeleshi pa Bushiku bwa ba Mayo, pa Mulungu ulucelo, mu Kapepo kanono pa 9, mu 1954, ku Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org